

ՀԱՅԿԱԿԱՆ ՍՍՐ ԳԻՏՈՒԹՅՈՒՆՆԵՐԻ ԱԿԱԴԵՄԻԱ

Հ Ա Ն Ր Ա Մ Ա Տ Զ Ե Լ Ի Ս Ե Ր Ի Ա № 1

---

ԷԳ. ԱՂԱՅԱՆ

ԼԵԶՎԻ ԺԱԳՈՒՄԸ

ԵՎ

ԶԱՐԳԱՑՈՒՄԸ

ՀԱՅԿԱԿԱՆ ՍՍՐ ԳՅ ՀՐԱՏԱՐԱԿԳՈՒԹՅՈՒՆ

---

ԵՐԵՎԱՆ

1948

КНИГА ДОЛЖНА БЫТЬ  
ВОЗВРАЩЕНА НЕ ПОЗЖЕ  
УКАЗАННОГО ЗДЕСЬ СРОКА

---



ՀԱՅԿԱԿԱՆ ՍՍՌԻ ԳԻՏՈՒԹՅՈՒՆՆԵՐԻ ԱԿԱԴԵՄԻԱ

Հ Ա Ն Ր Ա Մ Ա Տ Զ Ե Լ Ի Ս Ե Ր Ի Ա № 1

401  
Ա-44

ԷԳ. ԱՂԱՅԱՆ

ՅՏՈՒԳՎԱԾ Է 1961 Ք.

ԼԵԶՎԻ ԾԱԳՈՒՄԸ  
ԵՎ  
ԶԱՐԳԱՑՈՒՄԸ

~~ՕՇՏԻ~~



ՀԱՅԿԱԿԱՆ ՍՍՌԻ ԳՕ. ՀՐԾՏԱՐԱԿԶՈՒԹՅՈՒՆ

ԵՐԵՎԱՆ

1948

Տպագրվում է Հայկական ՍՍՌ Գիտությունների Ազգային  
Նախագահության կարգադրությամբ:

Հայկական ՍՍՌ ԳԱ Պրեզիդենտ Վ. Հ. ՀԱՄԲԱՐՉՈՒՄՅԱՆ

Պրակի խմբագիր՝ Ա. ՂԱՐԻՖՅԱՆ

А  $\frac{\pi}{12662}$

ЭД. АГАЯН

Происхождение и развитие  
языка

(На армянском языке)

Изд. АН Арм. ССР, Ереван, 1948 г.

Ա. ԼԵՉՎԻ ԾԱԳՈՒՄԸ

Հարցի պատմութիւնը. — Լեզվի, ինչպես և մարդու, ծագումնաբանութիւնը է մարդկութեանը շատ վաղ ժամանակներից, և մարդիկ, տարբեր ժամանակներում, իրենց աշխարհաճանաչողութեան համապատասխան, տարբեր կերպով են բացատրել ինչպես մարդու, այնպես էլ լեզվի ծագումը:

Այս հարցի հնագույն բացատրութեամբ լեզուն դիտուած է իբրև որևէ իմաստունի կամ տոտեմի գլուխը, և կամ՝ ուղղակի որպես աստվածային շնորհ: Այդ բացատրութեանները պահպանվել են բազմաթիվ ժողովուրդների էպոսներում:

Լեզվի ծագման գիտական բացատրութեան փորձերը գտնուած ենք հույն փիլիսոփաների մոտ: Դրանցից ոմանք գտնուած են, որ լեզուն բնականից մարդուն հատուկ և բնականորեն ծագած երևույթ է, ոմանք էլ, ընդհակառակը, գտնուած են, որ լեզուն արդյունք է հասարակական պայմանավորութեան, իբրև թե երբեմն իմաստուն մարդիկ պայմանավորվել են առարկաներին ու երևույթներին անուններ տալու:

Հետագայում էպիկուրյաններն առաջ են քաշուած «ձայնարկութեանների» տեսութեանը, գտնելով, որ բոլոր բառերն առաջացել են բնագոյական ճիշդից ու բացառանշութեաններից: Դրան հակառակ ստոյիկներն առաջ են քաշուած «բնածայնական» տեսութեանը, սնդելով, թե բոլոր բառերն առաջացել են բնածայնական բառերից: Հետագայում, միջին դարերում, լեզվի ծագումնաբանութեանը քննութեան չի ենթարկուած: Ժամանակի սխալաբանութիւնը մտածողներն անվերապահորեն ընդունուած են Աստվածաշնչի առասպելը, ըստ որի լեզուն աստվածային շնորհ է: Որոշ անհատներ միայն (Գրիգոր Նիսեցի՝ IV դար, Ռոսցելլին՝ XI դար և ուրիշներ) այս կամ այն չափով հակադրուած են դրան, գտնելով, որ աստված մարդուն ամէլ է միայն խօսելու կարողու-

թյունը, իսկ մարզը գործադրել է այդ կարողութունն ու ստեղծել լեզուն:

Լեզվի ծագման հարցի լուրջ քննությունն սկսվում է միայն 18-րդ դարից: Ժամանակի փիլիսոփաները (Լոկկ, Հոբս, Լայբնից) առաջ են քաշում այն տեսակետը, թե լեզուն ստեղծված է մարդկանց կողմից՝ անհրաժեշտության պահանջով:

Սակայն այդ խնդրի պիտական քննությունը հատկապես զարգանում է լուսավորիչների դարաշրջանում՝ 18-րդ դարի երկրորդ կեսին: Նրանցից ոմանք (օր. Ռուսո) փորձում են գտնել լեզվի հասարակական հիմունքը և բացատրում են նրա ծագումն ու գոյությունը «հասարակական դաշինքով», պայմանավորվածությամբ: Բայց այդ տեսության հիմնադիրները դիտում էին նախամարդուն իր մենության մեջ, իբրև վայրի անտառներում մենակ ապրող վայրենու, որով և լեզվի ծագման իսկական հասարակական հիմունքը մթազնվում էր:

Այս տեսությունը քննադատվեց նույն ժամանակի ուրիշ մտածողների կողմից (Մոնրոզզո, Հերդեր), որոնք առաջ քաշեցին այն դրույթը, որ լեզուն առաջացել է մարդկանց «ներքին կյանքի» պահանջով և առաջացել է մարդկային մտածողության հետ: Այս ճիշտ դրույթի հետ այդ մտածողներն ունեին այն լուրջ սխալը, որ լեզվի ու մտածողության առաջացումը դիտում էին հասարակությունից դուրս, իբրև անհատական երևույթ, իսկ լեզվի անհրաժեշտությունը բացատրում էին մարդու՝ մտածելու և խոսելու բնատուր կարողությամբ:

Այս ինդիվիդուալիզմը դերիշխում է նաև 19-րդ դարի լեզվաբանական տեսությունների մեջ, չհաշված առանձին բացատրությունները: 19-րդ դարում էլ՝ ելնելով անհատի մտածողության ու լեզվի իրողություններից՝ դիտում են լեզուն հասարակական կյանքից կտրված. կրկին առաջ են քաշվում «բնածայնական» և «միջարկությունների» տեսությունները, որ նոր ժամանակի մտածողները փորձում են հիմնավորել անհատի նմանողական ճիշերով (Վիանեսյ) կամ անհատի հոգեկան գործունեությամբ (Շտայնթալ): Սրանց զուգընթաց, իհարկե, փորձեր են կատարվում նաև լեզվի ծագման հասարակական նախադրյալները գտնելու ուղղությամբ, բայց այդ փորձերը հաջողությամբ չեն պսակվում: Իրանցից առավել ուշադրավ է Լուզվիգ Նուարեի «աշ-

խատանքային ճիշերի՝ տեսությունը, որի մասին կխոսվի ստորև: 19-րդ դարի լեզվաբանության մատուցած որոշ ծառայությունն այն է, որ նա շեշտում է լեզվի և մտածողության կապը, իհարկե իդեալիստորեն, և, որոշ դեպքերում, կապում լեզվի ծագումը աշխատանքի հետ. բայց նույնիսկ այդ դեպքում էլ 19-րդ դարի լեզվաբանությունը կապում է լեզուն կամ անհատի աշխատանքի հետ, կամ անհատի հոգեկան գործունեության հետ, և կամ բացարձակ ոգու հետ: Այս բոլորը հասցնում են այն բանին, որ 19-րդ դարի վերջում բուրժուական լեզվաբանները հրաժարվում են այդ հարցի քննությունից, արպէս թէ ամենեին այնմ խընդրոյ չիք սպառուած», ինչպես կասեր Եղնիկը:

Մեր ժամանակներում բուրժուական գիտնականներից ոմանք նորանոր փորձեր են կատարում լեզվի ծագումը լուսաբանելու ուղղությամբ: Այսպես՝ անգլիացի Ռ. Պեջետը հաստատում է, որ մարդիկ նախապես խոսել են ժեստերով ու ձեռքի շարժումներով: Հոլանդացի Վան-Գիննեկենը գտնում է, որ սկզբից մարդիկ խոսել են ձեռքի շարժումներով, դուգակցելով դրանց նաև որոշ հընչյուններ: Նախնական լեզուն ունեցել է միայն բարդ բաղաձայն հնչյուններ. ձայնավորներն առաջացել են ավելի ուշ: Այս երկու գիտուններն էլ, ճիշտ կերպով շեշտելով ձեռք-լեզվի դերը, սխալվում են, երբ ձեռքի, իբրև աշխատանքի գործիքի, դերը վերագրում են ավելի ուշ ժամանակներին: Համենայն դեպս, երկու գիտուններն էլ, առավելապես Վան-Գիննեկենը, հայտնապես մեծ ազդեցություն են կրել սովետական լեզվաբան Մառի ուսմունքից, և այդ անշուշտ նպաստավոր դեր է խաղացել այս հարցի լուսաբանման մեջ:

Ամերիկյան գիտնական Տորնդայկը գտնում է, որ մարդու նախահայրերն սկզբից եեթ ունեցել են ոչ կամային թոթովանքներ, այդ թոթովանքները բնազդաբար դուգակցվել են մեր նախահայրերի զգացումների ու ապրումների բնազդական արտահայտություններին, նույնիսկ այն վաղնջական ժամանակներում, երբ նախամարդը գտնվել է դեռևս բնական պայմաններում: Նախնական այդ թոթովանքները հետագայում առանձին նախամարդկանց կողմից հատկացվել են առարկաների կամ գործողությունների հասկացություններին, որով և առաջացել են բառերը: Այնուհետև այդ բառերը յուրացվել են այդ մարդկանց ընկեր-

ների կողմից և այսպիսով դարձել ամբողջ հորդայի սեփականու-  
թյունը: Տորնդայի այս տեսությունը հետաքրքրական է նրանով,  
որ նշում է նախամարդու բնազդական թոթովանքների դերը  
լեզվաստեղծական պրոցեսում: Սակայն նա հիմնովին սխալվում  
է, երբ այդ թոթովանքների բառացումը վերագրում է դեռևս  
առանձին, իրարից անջատ ապրող մարդկանց:

Այսպիսով, բուրժուական լեզվաբանությունը որքան էլ  
փորձում է նորանոր մեկնություններով լուսաբանել լեզվի ծագ-  
ման հարցը, այնուամենայնիվ չի կարողանում ազատվել բուր-  
ժուական գիտության սահմանափակվածությունից և, հետևաբար,  
չի կարողանում լուծել այդ հարցն ըստ էության:

Առանձին ճիշտ դատողությունները մնում են իբրև արժե-  
քավոր ու հետաքրքրական դիտողություններ և չեն գտնում  
իրենց ամբողջական ու հետևողական զարգացումը. լեզվի ծագ-  
ման ուսմունքները բուրժուական գիտնականների մոտ վերջին  
հաշվով հանգում են իդեալիզմին: Դեռ այնչի՛ն, կուտակած լեզ-  
վական փաստերը ժամանակակից ռեակցիոն բուրժուական լեզ-  
վաբանությունը մեկնաբանում է հակադիտական սկզբունքներով՝  
ծառայեցնելով ռասայական փտած «տեսության»: Այսպիսով ժա-  
մանակակից բուրժուական լեզվաբանությունը հանդես է գալիս  
իմպերիալիզմի ռեակցիոն քաղաքականությունը արդարացնողի և  
«գիտականորեն» հիմնավորողի դերում. մինչդեռ այդ «գիտա-  
կան հիմնավորումը» իրականում ոչ այլ ինչ է, եթե ոչ լեզվա-  
բանության ճշգրիտ սկզբունքների ֆալսիֆիկացիա: Լեզվի ծագ-  
ման և զարգացման ճշգրիտ տեսության հիմնական սկզբունքնե-  
րը տվել են մարքսիզմի կլասիկները, իսկ այդ հիմունքների վրա  
էլ սովետական մեծ լեզվաբան Մաուր ստեղծել է «Լեզվի նոր ուս-  
մունքը»: Մարքսիզմի կլասիկներից լեզվի ծագման հարցով ա-  
ռանձնապես զբաղվել է Ֆրիդրիխ Էնգելսը յուր՝ «Աշխատանքի  
դերը կապի մարդացման մեջ» բրոշյուրում: Սոսկևով ուղեղի և  
զրա հետ՝ մտածողության ու լեզվի զարգացման մասին՝ Էնգել-  
սը ցույց է տալիս, որ մտածողությունն ու լեզուն իրենց ծագ-  
մամբ ու զարգացմամբ պայմանավորված են մարդու հասարա-  
կական կյանքով ու հասարակական աշխատանքով. «Մեր կապիկ  
նախահայրերը եղել են հասարակական կենդանիներ: Ակներևա-  
բար անհնար է, որ մարդը, բոլոր կենդանիների մեջ ամենահա-

ստրակականը, առաջանալով ոչ հասարակական մերձավոր նախա-  
 հայրերից: Ձեռքի դարգացմամբ, աշխատանքով սկսվող տիրա-  
 պետութիւնը բնութիւնն ունի յուրաքանչյուր քայլափոխում  
 ընդարձակեց մարդու հայեցողաշար: Բնութիւնն իրերի մեջ նա  
 շարունակաբար հայտարարեց նոր, մինչ այդ անծանոթ հատ-  
 կութիւններ: Մյուս կողմից աշխատանքի դարգացումն անհրա-  
 ժեշտաբար նպաստեց հասարակութիւնն անդամներին ավելի սեր-  
 տորեն կապվելու իրար հետ, որով հաճախակի դարձան փոխա-  
 գործ աջակցութիւն, համագործակցութիւնն զեպքերը, և այս  
 համագործակցութիւնն օգտակարութիւնն գիտակցութիւնը յուրա-  
 քանչյուրի համար պարզ դարձավ: Կարճ ասած՝ դարգացման են-  
 թակա մարդիկ հասան այն կետին, որ կարիք գգացին մի բան  
 ասելու իրար, պահանջն ստեղծեց իր օրգանը. — կապիկ անդար-  
 գացած խոչափողը դանդաղ, սակայն հաստատուն կերպով փո-  
 խարկվեց միշտ աճող մոդուլացիայի շնորհիվ, և բերանի օրգան-  
 ները հետզհետե վարժվեցին վանկատվող հնչյուններն իրար  
 ետևից արտաբերելը ... Աշխատանքի հետ ու աշխատանքի միջո-  
 ցով լեզվի ծագման այս մեկնաբանութիւնը միակ ճշմա-  
 րիտն է...»<sup>1</sup>:

Էնգելսի այս խոսքերը լույս են սփռում լեզվի ծագման  
 պրոցեսի վրա: Այդ մեկնաբանութեամբ լեզուն օրինաչափորեն  
 առաջացել է մարդկային հասարակութիւնն կազմավորման հետ,  
 որպես հասարակական աշխատանքի արդյունք և որպես հա-  
 սարակութիւնն անդամների իրար հետ հաղորդակից լինելու  
 միջոց, որպես հասարակական հաղորդակցման միջոց: Այս-  
 պիսով, հակառակ բուրժուական մտածողներին, որոնք «աշ-  
 խատանքային» տեսութիւնն մեջ անգամ մարդուն դիտում են  
 հասարակութիւննից անկախ, Էնգելսը ցույց է տալիս, որ ոչ  
 միայն լեզուն ու մտածողութիւնը, այլև լեզու ունենալու, իրար  
 մի բան ասելու անհրաժեշտութիւնն արդյունք է մարդկանց հա-  
 սարակական կյանքի և հասարակական աշխատանքի: Այնուհետե  
 մարքսիստական այդ մեկնաբանութիւնը ցույց է տալիս, թե  
 որքան սխալ են բուրժուական այն մտածողները, որոնք լե-  
 զուն ու մտածողութիւնը դիտում են իբրև անհատի հոգեկան

<sup>1</sup> Տ. Էնգելս, «Աշխատանքի դերը կապիկ մարգացման մեջ», Երևան,  
 1930, էջ 8:

գործունեութեան կամ ինչ-որ բացարձակ ոգու գործունեութեան արդյունք: Մարքսիստական այդ բացատրութեանը ցույց է տալիս պարզորեն, որ լեզուն և մտածողութեանը հասարակութեան վերնաշենքային երևույթներ են և իրենց ծագմամբ ու զարգացմամբ պայմանավորված են հասարակական կեցութեամբ:

Վերջապես այդ մեկնաբանութեանը ցույց է տալիս, որ լեզվի ծագումը համընկնում է կապի մարդացման պրոցեսին, այսինքն՝ մարդկային հասարակութեան կազմավորման շրջանին. «Լեզուն նույնքան հին է, որքան և գիտակցութեանը. լեզուն եանդիսանում է առարկայական, ուրիշ մարդկանց համար էլ գոյութեան ունեցող և միայն դրա շնորհիվ ինձ համար ևս գոյութեան ունեցող, իսկական գիտակցութեան, և, ինչպես գիտակցութեանը, լեզուն ևս առաջ է գալիս ուրիշ մարդկանց հետ հաղորդակցելու անհրաժեշտութեանից»<sup>1</sup>: Այս ցույց է տալիս նաև, որ լեզվի ծագման պրոցեսը միասնական է, անկախ այն ըանից, թե նախապես նա մի՞ տեղ է առաջացել, թե՞ բազմաթիվ տեղերում:

Մառի ուսմունքը կիներտիկ լեզվի մասին. — Այժմ էլ, նույնիսկ սովորական խոսակցութեաններին ժամանակ, մարդիկ իրենց հազորդածն ավելի տպավորիչ և արտահայտիչ դարձնելու համար հաճախ դիմում են այլևայլ միջոցների, հատկապես դեմքի արտահայտութեան, գլխի ու ձեռքերի զանազան շարժումների: Այդ միջոցներն, իհարկե, մեզ համար միայն կողմնակի, երկրորդական նշանակութեան ունեն: Բայց լեզվի առաջացման ու զարգացման նախնական շրջանում այդ միջոցները մարդկանց հաղորդակցման մեջ հիմնական, առաջնակարգ դեր են խաղացել: Ուսումնասիրելով Ավստրալիայի, Աֆրիկայի և Ամերիկայի բնիկների լեզուները, որոնք զարգացման ավելի ցածր աստիճանի վրա են գտնվում, լեզվաբանները հաստատել են, որ այդ լեզուներում չափազանց մեծ դեր են կատարում դեմքի զանազան արտահայտութեանները, ձեռքի, գլխի ու մարմնի այլ մասերի շարժումները, չնայած որ այդ լեզուները, այնուամենայնիվ, բավական զարգացած վիճակի են հասել արդեն: Այդ միջոցները, որոնք ընդհանուր առմամբ կոչվում են ձեռք լեզու, գծային լեզու կամ Մառի անվանումով՝ կիներտիկ լեզու, ժամանակակից ամենացածր աստիճանի

<sup>1</sup> К. Маркс и Ф. Энгельс, Соч., т. IV, стр. 21—22.

վրա գտնվող հնչյունական լեզուներին էլ ուղեկցում են իբրև վե-  
րապրուկներ նախնական համամարդկային հաղորդակցման հա-  
մակարգի: Սակայն մարդու լեզվաստեղծական պրոցեսի նախնա-  
կան շրջանում այդ կինետիկ լեզուն եղել է գերիշխողը: Սովե-  
տական մեծ գիտնական Ն. Յա. Մառը՝ հիմնելով յուր ուսմունքը  
կինետիկ լեզվի մասին՝ ապացուցել է, որ կինետիկ լեզվի առա-  
ջացումն ու գոյությունը պայմանավորված էր հենց նախամար-  
դու աշխատանքի բնույթով: Նախամարդու աշխատանքի բնա-  
տուր գործիքը՝ ձեռքը, հանդես է գալիս նաև որպես հաղորդակ-  
ցելու միջոց: Յուր այս ուսմունքով Մառը ձեռք լեզվի մասին  
եղած նախորդ դրույթները՝ արտահայտված տարբեր լեզվաբան-  
ների կողմից, լուսաբանեց նոր տեսանկյունով, բացատրեց այդ  
երևույթը մատերիալիստորեն և բարձրացրեց այն մի նոր, ինք-  
նուրույն ուսմունքի աստիճանին: Պատմական տեսակետից կի-  
նետիկ լեզուն նախորդել է հնչյունական լեզվին: Հասարակա-  
կան մարդը հաղորդակցել է յուր նմանների հետ ձեռքերի, դեմ-  
քի ու մարմնի զանազան մասերի շարժումներով, զուգակցելով  
դրան անշուշտ նաև իր ունեցած ճիշերն ու բացագանչություն-  
ները: Հաղորդակցման համար կատարվող շարժումները չեն եղել  
բնազդական, ոչ կամային ռեֆլեքսներ, այլ հանդիսացել են գի-  
տակցական, որոշ իմաստ ունեցող արտահայտչական միջոցներ:  
Հետաքրքիր է հիշել, որ Ամերիկայի հնդիկների տարբեր ցեղե-  
րը միմյանց հետ խոսելու համար դեռ այժմ էլ օգտագործում են  
կինետիկ լեզուն, որ այս դեպքում հանդես է գալիս իբրև միջ-  
ցեղային հաղորդակցման միջոց: Այս բոլորը ցույց են տալիս,  
որ լեզվի ստեղծման նախնական շրջանում գերիշխում է կինե-  
տիկ լեզուն:

Այդ չի նշանակում, իհարկե, թե այդ շրջանում մարդիկ  
բոլորովին զուրկ էին հնչյունական լեզվից: Ոչ, դեռևս կենդա-  
նական վիճակից ժառանգած զանազան ճիշերը, որ բնականա-  
բար արդեն որոշ զարգացում ունեցել էին, անպայմանորեն օգ-  
տագործվում էին կինետիկ լեզվին զուգընթաց: Բայց նախնա-  
կան շրջանում դրանց դերը համեմատաբար երկրորդական էր.  
նրանք ծառայում էին իբրև օժանդակ, լրացուցիչ միջոցներ կի-  
նետիկ լեզվի նկատմամբ, ճիշտ այնպես, ինչպես ժամանակակից  
լեզուներում երկրորդական դեր են կատարում կինետիկ լեզվի

վերապրուելները: Միայն հասարակութեան և հասարակական գիտակցութեան ու լեզվի զարգացման ավելի ուշ շրջանում հնչյունական այդ նախնական լեզվական տարրերի բազմացմամբ, տարրերակմամբ, և աստիճանաբար ձեռք բերած գերակշռութեամբ է, որ հնչյունային լեզուն հանդես է գալիս իբրև հասարակական հաղորդակցման հիմնական, գերակշռող միջոց, որ և հետագայում դառնում է գրեթե բացարձակապես միակը:

Հնչյունական լեզվի առաջացումը. — Բայց ինչպես է առաջացել հենց այդ հնչյունական լեզուն: Այս հարցի լուսարանման համար մեզ անհրաժեշտ է մի թեթևակի ակնարկ ձգել այսպես կոչված կենդանիների «լեզվի» վրա: Նախապես անհրաժեշտ ենք համարում ասել, որ կենդանիների և ոչ մի տեսակը, նույնիսկ զարգացման ամենաբարձր աստիճանին հասած մարդանման կապիկները, չունեն լեզու այն իմաստով, ինչպիսին է մարդկային լեզուն: Կենդանական բնազդական ճիչերն ու ձայները, որոնք հաճախ կարող են տարբերվել իրարից՝ ըստ պայմանների և ըստ այն զգացումների, որոնց ոչ կամային արտահայտութունն են դրանք, երբեմն ընկալվում են նույն ցեղի կենդանիների կողմից և նրանց մեջ առաջ բերում համապատասխան բնազդը: Այսպես օրինակ՝ շների տարբեր տեսակի հաջոցները տարբեր հանգամանքներում ու տարբեր բնազդների շնորհիվ, տարբեր էլ զգացումներ են առաջ բերում ցեղակիցների մեջ: Բացի այդ, կան կենդանիներ, որոնք նույնիսկ մարդկային հնչյուններն ու բառերը կարող են սովորել ու վերարտադրել. այդպիսին է, օրինակ, թութակը: Բայց չնայած դրան, այդ բոլոր դեպքերում էլ կենդանիների «լեզվի» ու մարդկային լեզվի միջև նմանութունը միայն արտաքին է. էպես նրանք որակական, սկզբունքային տարբերութուններ ունեն, և ոչ մի դեպքում կենդանիների «լեզուն» չի կարելի լեզու համարել այդ բառի իսկական իմաստով: Կենդանական ճիչը, որքան էլ նա բազմազան լինի, այնուամենայնիվ ներկայացնում է հոգեկան որևէ վիճակի կամ զգացման բնազդական-ձայնական արտահայտութունը. նա այս կամ այն բնազդի ոչ կամային արտահայտութուններից մեկն է, և այն էլ՝ անմիջական արտահայտութուններից մեկը, նա տարբերակված, զիտակցված չէ, որպես տառնձին բառ հասկացութուն: Ինչ վերաբերում է թութակին, սրբ կարող է վերարտադրել մարդ-

կային լեզվի հնչյուններն ու բառերը, ապա այս դեպքում էլ նրա կատարածը ավելի մեխանիկական-նմանողական երևույթ է և ոչ գիտակցական. որքան էլ թուփակը «ընդունակ» լինի, այնուամենայնիվ իր իսկ արտասանածը որոշակիորեն չի ըմբռնում և, որ ավելի կարևորն է, նա միայն վերարտադրում է իր սովորածը, իսկ դրա հիման վրա նորանոր խոսքեր կազմել ու «խոսել», ինչպես գիտենք, նա չի կարողանում: Վերջապես, կենդանիների «լեզուն» զուրկ է հասարակական ֆունկցիայից, նա չունի և չի կարող ունենալ հասարակական ֆունկցիա հենց այն պատճառով, որ կենդանիները, նույնիսկ այսպես կոչված «հասարակություններով» ապրող կենդանիները, զուրկ են այնպիսի հասարակությունից, ինչպիսին ունի մարդկությունը: Մարդկային հասարակությունը գիտակցված աշխատանք կատարող, արտադրության միջոցներ արտադրող կենդանիների՝ մարդկանց արտադրական հարաբերությունների վրա հիմնված հասարակություն է. իսկ կենդանիներն այդպիսի հասարակություն չունեն: Կենդանիների մոտ ինչպես այդ ճիշերը, այնպես էլ ուրիշ բնագոյները բազմաթիվ կրկնությունների շնորհիվ վերածվում են որոշ պատկերացումների, բայց երբեք էլ գիտակցված կատեգորիաներ չեն դառնում: Սակայն, ինչ էլ որ լինի, տվյալ դեպքում կենդանիների, առանձնապես կապիկների, «լեզվի» ուսումնասիրությունն այն արժեքն ունի, որ նա ցույց է տալիս, թե որոնք են նախամարդու ունեցած բնական-ֆիզիոլոգիական այն ունակությունները, որոնց հետագա զարգացմամբ հասարակական մարդն ստեղծեց հնչյունական լեզուն: Մի շարք գիտունների ուսումնասիրությունները կապիկների լեզվի մասին ցույց են տվել, որ կապիկները, հատկապես շիմպանզեն, ունեն բավականաչափ տարբերակված ճիշեր, որոնք ընկալվում են ցեղակիցների կողմից հավասարապես և առաջացնում նրանց մեջ նույնպիսի զգացումներ: Ամերիկացի Բլանշ Լիբնեդը կազմել է շիմպանզեի արձակած ճիշերի ցանկը: Այդ ցանկը բաղկացած է երեքհարյուր ճիշերի գրանցումներից, որոնք բաժանվում են 32 խմբի կամ տեսակի. յուրաքանչյուր խմբի մեջ մտնում են միևնույն բնագոյի կամ զգացման հետ արձակված տարբեր ճիշերը: Օրինակ՝ ուտելու ժամանակ շիմպանզեն արձակում է գակ, գախ, գախ, կխա, նգակ, նգխակ, նկակ ճիշերը, բարեկամներին

ողջունելիս արձակում է գլխ ճիշը՝ արագ կրկնություններով,  
 տազնապի ժամանակ արձակում է խո-ռի ճիշը՝ երկարացնելով  
 ձայնավորն առաջին ճիշում, ցավի ժամանակ (երբ նրան կծում  
 է մեկ ուրիշ կապիկ) արձակում է եյ (յի) ճիշը և այլն և այլն:  
 Դարվինը ցույց է տվել, որ կապիկները նույնպես ունեն գեմքի  
 այնպիսի արտահայտություններ (միմիկաներ), ինչպիսիք ունեն  
 մարդիկ, և որ գեմքի այդ արտահայտությունները կապիկ մոտ  
 էլ արգյունք են այս կամ այն հոգեկան վիճակի: Ամերիկյան  
 գիտնական Գարները, որ ուսումնասիրել է կապիկների զանա-  
 զան ցեղերը Միացյալ Նահանգների զազանանոցներում, ապա  
 և՛ Աֆրիկայի անտառներում, հայտնում է, թե «կարելի է ըն-  
 դունել իբրև կանոն, որ կապիկ յուրաքանչյուր շարժումը դու-  
 գակցվում է որոշ ձայնով, և յուրաքանչյուր ձայն (ճիշ)՝ որոշ  
 շարժումով, որը նույն ցեղի մի ուրիշ կապիկ մոտ էլ միշտ նշա-  
 նակում է մի ինչ որ որոշյալ բան»:<sup>1</sup> Դեռ ավելին, նույն հե-  
 ղինակը գտնում է, որ իր ուսումնասիրած կապիկների լիզուն  
 առավելապես հնչյունային է, քան կինետիկ, և դրանից էլ եզ-  
 րակացնում է, թե կապիկները «լիովին ի վիճակի են կառավար-  
 վել ավելի շուտ միայն հնչյուններով, քան միայն նշաններով»:<sup>2</sup>  
 Այս բոլորը ցույց են տալիս, որ կապիկների մոտ մենք արդեն  
 գտնում ենք հնչյունական լեզվի նախնական, բնական տարրերը,  
 այն նախադրյալները, որոնց հետագա զարգացմամբ հասարա-  
 կական մարդն աշխատանքի պրոցեսում ստեղծեց յուր լեզուն:  
 Սակայն, այդ նախադրյալների գոյությունը կապիկների մոտ  
 ընդունելով հանգերձ, պետք է նշել, որ կապիկների լեզուն որա-  
 կապես տարրեր է մարդկային լեզվից, ավելի ճիշտ՝ կապիկները  
 զուրկ են այնպիսի լեզվից, ինչպիսին գտնում ենք մարդու մոտ:  
 Նույն Գարները, իբրև եզրակացություն յուր ուսումնասիրու-  
 թյունների, ասում է. «...կապիկներն ընդհանրապես կապակց-  
 ված խոսակցություն չունեն: Նրանց խոսքը սովորաբար սահմա-  
 նափակվում է առանձին հնչյուններով կամ ճիշերով, որոնք  
 կրկնվում են միևնույն ձևով: Ենթադրել, թե նրանց խոսակ-  
 ցությունները մշակված են և ունեն բարձր հասարակական

<sup>1</sup> Гарнер, Речь обезьян, 1892. стр. 69—70.

<sup>2</sup> Гарнер, Անդ, էջ 70.

բնույթ, նշանակում է հաստատել անհեթեթ մի բան<sup>1</sup>։ Կապիկներին այդ բոլոր լեզվական ունակությունները կրում են բնական, ոչ գիտակցված բնույթ։ Ճիշտ այդպես էլ կապիկները նույնպես կատարում են որոշ կարգի գործողություններ և նույնիսկ օգտագործում են իրենց ձեռքն ընկած քարերը, ճյուղերը, պտուղները և այլ առարկաներ այս կամ այն գործողության համար. օրինակ՝ քարը՝ ընկույզ ջարդելու համար, կամ ինչպես Աֆրիկայի կապիկները՝ հսկայական քարերն օգտագործում են լիւռան բարձունքից թշնամիներին վրա գլորելու համար։ Բայց կապիկ այդ գործողությունները որակապես տարբեր են մարդկային աշխատանքից։ Կապիկներին հատուկ չէ աշխատանքը, քանի որ նրանք չեն պատրաստում գործիքներ։ Հենց աշխատանքի բացակայութեամբ էլ պայմանավորված է այն, որ կապիկները զուրկ են հասարակությունից. մարդկային ամենանախնական հորդաներն, իբրև հասարակություն, աշխատանքի շնորհիվ մի աստիճան արդեն բարձր են կանգնած կապիկների խմբերից։ Այս բոլորից հեշտ է եզրակացնել, թե ինչու կապիկները զուրկ են և գիտակցությունից, և լեզվից։ Մարդկային լեզվի տարբերին նմանող այն ճիշերը, որ գտնում ենք կապիկների մոտ, միայն նրանց ֆիզիոլոգիական ունակությունների, բնականաբար, մյուս բոլոր կենդանիների համեմատությամբ առավել զարգացած ունակությունների, բնազդական, ոչ կամային դրսևորումներն են։

Չարլզ Դարվինն իր ժամանակին ապացուցել է արդեն, որ մարդն առաջացել է բարձր զարգացման հասած մարդանման կապիկներից։ Ֆրիդրիխ Էնգելսն իր «Աշխատանքի դերը կապիկ մարդացման մեջ» բրոշյուրում քննության առնելով այդ հարցը՝ գտնում է, որ մարդու նախահայրերն արդեն իսկ կապիկներից մի աստիճան բարձր են եղել. «Մեր նախնիքները, որոնք կապիկից մարդ դառնալիս հազարամյակների ընթացքում հետզհետե իրենց ձեռքերը հարմարեցրել են որոշ գործողությունների... շատ ավելի բարձր են, քան այն միջանցիկ էակները՝ ...Ակներևաբար անհնար է, որ մարդը, բոլոր կենդանիների մեջ ամենահասարակականը, առաջանար ոչ հասարակական մերձավոր

<sup>1</sup> Гарнер, Անդ, էջ 45—46:

նախահայրերից»<sup>1</sup> Էնդելօի այս խոսքերը հաստատվեցին ավելի ուշ՝ Հարավային Աֆրիկայում հայտարարված մարդանման կապիկների՝ ավստրալոպիտեկների բրածո ոսկորների ուսումնասիրութեամբ: Այդ ուսումնասիրութեանները հաստատեցին, որ ավստրալոպիտեկներն ապրելիս են եղել ոչ թե ծառերի վրա, այլ քայլել են գետնի վրա՝ հավանաբար ուղիղ կեցվածքով, որով և արել են «կապիկից մարդուն անցնելու վճռական քայլը»<sup>2</sup> Եթե այս այսպես է, եթե մարդ գարձող մեր նախահայրերը մի աստիճան արդեն բարձր են կանգնած եղել կապիկներից, ապա նրանց մոտ կարելի էր գտնել ոչ միայն ավելի ցածր աստիճանի վրա գտնվող կապիկների այսպես կոչված լիզվական բնատուր ունակութեանները, այլև դրանից մի փոքր ավելին: Մարդ դարձող մեր նախնիներն ունեցել են ճիշերի ավելի հարուստ պաշար: Ինչպես ասել ենք, աշխատանքի շնորհիվ է, որ մեր այդ նախնիները մարդ են դարձել: Բայց այդ նախնական մարդը միայնակ շատ անդոր էր բնութեան դեմ, յուր գոյութեանը պահպանելու համար նա ստիպված էր ապրել յուր նմանների հետ, աշխատել ու պաշտպանվել ամեն կարգի արհավիրքներից ու վտանգներից յուր նմանների հետ: Այդ համատեղ աշխատանքն ու պաշտպանութեանն ինքնին արդեն համախմբում են նախամարդկանց, համախմբում են ավելի սերտ կերպով և մշտապես:

Այսպես կազմվում են նախամարդկային հորդաները, որոնք հիմնված են համատեղ աշխատանքի վրա: Բնական է, որ հենց այդ համակեցութեան ու համատեղ աշխատանքի հետ էլ ծագում է փոխադարձ հաղորդակցման պահանջը. «...Չարգացման ենթակա մարդիկ հասան այն կետին, որ կարիք զգացին մի բան ասելու իրար: Պահանջն ստեղծեց իր օրդանը.— կապիկ անզարգացած խոչափողը դանդաղ, սակայն հաստատուն կերպով փոխարկվեց միշտ աճող մոզուլացիայի շնորհիվ, և բերանի օրդանները հետզհետե վարժվեցին վանկատվող հնչյուններն իրար ետևից արտաբերել»<sup>3</sup> Այստեղ, անտարակույս, հարց է առաջանում, թե

<sup>1</sup> Ֆ. Էնդելս, Աշխատանքի դերը կապիկ մարդացման մեջ, Երևան, 1933, էջ 6-7, 8:

<sup>2</sup> Ֆ. Էնդելս, Անդ, էջ 5:

<sup>3</sup> Ֆ. Էնդելս, Անդ, էջ 8:

մարդ դառնալու այդ պրոցեսում մարդու նախնիները պահեցին  
արդյոք և իրենց պրիմիտիվ հաղորդակցումների համար օգտա-  
գործեցին այն բնական ճիշերը, որ ժառանգել էին իրենց նա-  
խորդներից: Այն, պահեցին և օգտագործեցին, և ոչ միայն այդ-  
քան. նրանք դարձացրին այդ բնական ճիշերն ու մի նոր որակ  
գարձրին:

Մենք ասացինք, որ կապիկներն էլ որոշ գործողութուն-  
ներ կատարում են բնական գործիքների միջոցով. հրաժարվեց  
արդյոք նախամարդն այդ բնական գործիքներից և այն գործո-  
ղութուններից, որոնք կատարում էր նա մարդ դառնալուց  
առաջ. բնականաբար՝ ոչ: Բայց նա ոչ միայն չհրաժարվեց այդ  
գործողութուններից ու բնական գործիքներից, այլև զարգաց-  
րեց դրանք. մարդ դառնալու պրոցեսում նա գիտակցեց այդ  
գործողութունները, այսինքն պատահական գործողութուններ  
կատարելուց անցավ մարդկային աշխատանքին, նա գիտակցեց  
բնական գործիքների դերը և, որ գլխավորն է, սկսեց սլաքա-  
տել իր պրիմիտիվ գործիքները: Նա չհրաժարվեց նաև իր կա-  
պիկ նախահայրերից ժառանգած հոտերից, այլ աշխատանքի պրո-  
ցեսում գիտակցելով դրանց անհրաժեշտութունը է՛լ ավելի զար-  
գացրեց դրանք և ավելի սերտ ու մշտական համախմբումով  
ստեղծեց մարդկային հորդաները: Ճիշտ այդպես էլ նա չհրա-  
ժարվեց բնականից ստացած ճիշերից, այլ ավելի քան զարգաց-  
րեց նրանք: Այդ զարգացումն արտահայտվեց ոչ միայն այն  
քանում, որ նախամարդը քանակապես ավելի շատ ու բազմա-  
տեսակ ճիշեր ունեցավ, այլ և, առաջին հերթին, այն բանում,  
որ նա գիտակցեց այդ ճիշերը Այն, ինչ որ կապիկների մոտ  
գտնում ենք իրրև այս կամ այն բնագոյի ոչ կամային ձայնական  
արտահայտութուն, մարդու մոտ դարձավ գիտակցված, փոխա-  
դարձ հաղորդակցմանը ծառայող լեզվական տարր: Նշանակում  
է, մարդ դարձող մեր նախահայրերի առաջին ու խոշորագույն  
քայլը լեզվի ստեղծման պրոցեսում բնականից ժառանգած ճի-  
շերի գիտակցումն է: Բայց այս յուր հերթին նշանակում է նաև,  
որ այդ քայլն ինքնին ենթադրում է գիտակցության զարգա-  
ցումը մարդու մոտ: Անշուշտ գիտակցութունն ու լեզուն ծա-  
գում և զարգանում են միասնաբար, և այս այլևս նորութուն  
չէ. մարքսիզմի կլասիկները վաղուց արդեն ապացուցել են այդ:

Մյուս կողմից, քանի որ նախամարդու մոտ աշխատանքը հասարակական բնույթ ունի, ապա հասարակական բնույթ ունեն նաև նրա գիտակցությունն ու գիտակցված ճիշտը: Վերջապես, այդ բնական ճիշտի հասարակայնորեն գիտակցումը, նրանք իբրև հասարակական հաղորդակցման միջոցներ օգտագործելը նշանակում է նաև, որ այդ ճիշտն անջատվում են արդեն դրանք առաջացնող բնագոյներից: Կապիկների, ինչպես և բոլոր կենդանիների մոտ բնական ճիշտը նրանց բնագոյների անմիջական ձայնական արտահայտությունն են հանդիսանում: Կապիկը չի կարող արձակել այս կամ այն ճիշտ, եթե չունի այդ ճիշտ առաջացնող բնագոյը: մինչդեռ նախամարդը, որ գիտակցում է թե տվյալ բնագոյը, և թե դրա առաջացրած բնական ճիշտ, անշուշտ կարողանում է նաև անջատել դրանք իրարից: Երբ նա գիտակցում է յուր այս կամ այն բնագոյը, վերջինս արդեն նրա համար դառնում է գիտակցված մի երևույթ և դադարում է բնագոյ լինելուց: Ճիշտ այդպես էլ, երբ նա գիտակցում է երբևմնի բնագոյի, այժմ արդեն գիտակցված երևույթի բնատուր ձայնական ճիշտ, վերջինս չի մնում այլևս որպես բնագոյական ճիշտ, այլ դառնում է տվյալ երևույթի գիտակցված անվանումը: Այսպիսով նախամարդը գիտակցում է այդ նախնական ճիշտն իբրև անվանումներ և պահում է իր գիտակցության մեջ, այժմ արդեն այդ երբևմնի ոչ կամային ճիշտը նա կարող է արձակել ոչ միայն այն ժամանակ, երբ տեսնում է դրանք առաջացնող երևույթները կամ գտնվում դրանք առաջացնող հոգեվիճակների մեջ, այլ և այն ժամանակ, երբ այդ երևույթները կամ հոգեվիճակներն առկա չեն: Այստեղից հետևում է, վերջապես, որ նախամարդն արդեն կարող է խոսել ոչ միայն այն երևույթների կամ հոգեվիճակների մասին, որոնք առկա են, կարող է հաղորդել իր ընկերներին ոչ միայն այն ապրումները, որ տվյալ հաղորդակցման միջոցին զգում է, այլ և այն, ինչ որ զգացել է նախկինում կամ կցանկանար զգալ: Այս էլ բնականաբար հանգեցնում է այն բանին, որ նախամարդը կարողանում է ոչ միայն առանձին ճիշտը, այժմ արդեն գիտակցված անվանումները արձակել, այլև կապակցել զանազան ճիշտ անվանումները: Այսինքն՝ նա հասնում է այն բանին, որ կարողանում է վարել կապակցված խոսակցություն: Այսպիսով էլ, ահա, նա կատարում

11  
A 12662  
1858

է վճռական քայլը լեզու ստեղծելու գործում՝ բնատուր ձայնա-  
կան ոչ կամային բնազդները վերածելով փոխադարձ հաղորդակցու-  
ման գիտակցված լեզվական միավորներին: Սրանով նա ձեռք է  
քերում այն հիմնական առաղձը, որից նա պետք է կառուցեր  
հետագայի զարգացած հնչյունական լեզվի շենքը: Բնականաբար,  
այս չի նշանակում, թե հնչյունական լեզվի այդ նախնական  
տարրերը հաղորդակցման միակ միջոցն են հանդիսացել: Ոչ,  
նախնական շրջանում դրանց հետ միասին մեծ դեր են խաղա-  
ցել մարմնի, հատկապես ձեռքի շարժումները և դեմքի դանազան  
արտահայտութունները: Ինչ ավելին, սկզբում դրանք, ինչպես  
ասել ենք, կատարել են երկրորդական, կինետիկ լեզվին ուղեկցող  
միջոցների դեր: Իսկ մի անգամ արդեն որ դրանք գիտակցվում  
են իրրև հաղորդակցելու, թեկուզ և երկրորդական, միջոց-  
ներ, նախամարզն աստիճանաբար զարգացնում ու հարստացնում  
է դրանք մինչև այն աստիճան, որ կինետիկ լեզուն ինքն է  
երկրորդական կարգն անցնում: Այդ բանը կատարվում է ձեռքի  
աշխատանքի զարգացմանը զուգընթաց: Եթե ուղիղ քայլվածքը  
մեր թավամաղ նախնիքների մոտ սկզբում կանոն, իսկ ժամա-  
նակի ընթացքում անհրաժեշտութուն պիտի դառնար, ապա դա  
կանխադրում է, որ ձեռքերն այդ միջոցին հետզհետե պիտի  
վարժվեին այլ աշխատանքներ կատարելու: ...Վճռական քայլն  
արված էր. — ձեռքն ազատված էր և կարող էր նորանոր հրմ-  
տութուններ ձեռք բերել. իսկ այդպիսով ձեռք բերած ճկունու-  
թյունը ժառանգվեց սերնդից սերունդ և աճեց: ...Մարդկային  
ձեռքի պատիճանական կատարելագործումը և, նրան համընթաց,  
ոտքի զարգացումն ուղղահայաց քայլվածքի համար՝ անտարա-  
կույս ունեցել է իր ազդեցութունն օրգանիզմի այլ մասերի  
վրա շնորհիվ ադերսակցության օրենքի: ...Ձեռքի զարգացմամբ,  
աշխատանքով սկսվող տիրապետությունը բնության վրա յու-  
րաքանչյուր քայլափոխում ընդարձակեց մարդու հայեցողաշարը:<sup>1</sup>

Այսպիսով աշխատանքի զարգացումը և ձեռքի, որպես աշ-  
խատանքի գործիքի, կատարելագործումը երկու ուղղությամբ է  
ազդում լեզվի վրա: Նախ՝ նրա ազդեցությամբ, աշխատանքի  
պրոցեսում զարգանում են նաև մարմնի մյուս օրգանները, հատ-

<sup>1</sup> Ձ. Էնգելս, Անդ, էջ 6, 7, 8



կապես՝ ուղեղը, և շոշափելիքի, անսողության, լսողության և հոտառության օրգանները: Իրանց հետ միասին զարգանում են անշուշտ նաև խոսելու օրգանները և այդպիսով մարդիկ հնարավորություն են ստանում զարգացնելու իրենց հաղորդակցման հնչյունական միջոցները: Մյուս կողմից՝ ձևաքի դրադվածությունը նորանոր աշխատանքներով՝ անհրաժեշտություն է ստեղծում այդ հնարավորությունների լիակատար օգտագործման: Կինեմոիկ լեզուն պետք է տեղի տար հնչյունական լեզվին այն պարզ պատճառով, որ չէր կարող բավարարել մարդկանց փոխադարձ հաղորդակցման զարգացող պահանջներին. այդ լեզվով մարդիկ հնարավորություն չունեին խոսելու, երբ իրարից հեռու էին և չէին տեսնում իրար, դժվար էր խոսելը նաև մութ ժամանակ, բայց կինեմոիկ լեզվից հրաժարվելու անհրաժեշտությունը է՛լ ավելի ուժեղ է գլոսոլի առաջին հերթին դարձյալ աշխատանքի պրոցեսում: Ժխանել չի կարելի, որ մարդիկ փոխադարձ հաղորդակցման պահանջն առավել շատ են զղացել աշխատանք կատարելիս: Իսկ եթե ձևաքով աշխատելու ժամանակ անհրաժեշտ էր մի բան հաղորդել մյուսներին, ապա նրանք կինեմոիկ լեզվով հաղորդակցելու համար ստիպված պիտի լինեին ընդհատել իրենց աշխատանքը: Ուստի և աշխատանքի զարգացումն ինքնին հարկադրում է մարդուն ազատել ձևաքը հաղորդակցման առաջնակարգ միջոցի ֆունկցիայից և զարգացնել հնչյունային լեզվի բնականից ժառանգած, բայց արդեն դիտակցված և գործադրվող աստղծը՝ օգտագործելով խոսելու օրգանների զարգացումը: Բնականաբար այս օգտագործումը, հնչյունական լեզվի հարստացումն ու զարգացումը փոխադարձաբար փոխադրում են խոսելու օրգանների վրա, նրանց զարգացման խթան հանդիսանալով: Այսպիսով՝ աշխատանքի ընթացքում և նրա շնորհիվ զարգանում են թե խոսելու օրգանները, և թե հնչյունային լեզուն, իսկ սրանք էլ փոխադարձաբար ազդելով իրար վրա, հնարավորություն են տալիս մարդուն զարգացնելու և մշակելու յուր լեզուն՝ հասցնելով այնպիսի կատարելության, որ հնարավոր է դառնում հաղորդակցել միայն հնչյունային լեզվով:

Նախադասությունների առաջացումը. — Այժմ մեզ հետաքրքրում է այն հարցը, թե ինչպես մարդիկ՝ օգտագործելով իրենց

սկզբնական հնչյունային լեզվական ատաղձը՝ կարողացել են  
ատեղծել նախադասութիւնները, բառերն ու հնչյունները: Լեզ-  
վաբանութեան մեջ ընդունված է, որ նախնական շրջանում մի  
բառը եղել է միանգամայն մի նախադասութիւն. սկզբնական  
այն ճիշտ անվանումները, որ ունեցել է մարդը, չին եղել առան-  
ձին բառեր, նրանք արտահայտել են ոչ թէ որևէ առարկայի կամ  
գործողութեան հասկացութիւնը, այլ մի ամբողջական միտք:  
Այս ճիշտ է, իհարկեւ Սակայն, մեզ թվում է, որ բառ-նախա-  
դասութիւնը պետք է դիտել իբրև զարգացման երկրորդ, ավելի  
բարձր աստիճան: Նախնական, զարգացման առաջին աստիճանում  
եղել են ոչ թէ բառ-նախադասութիւնները, այլ բառ-մտա-  
ծութիւններ:

Գիտակցութեան զարգացման նախնական աստիճանում մարդը  
չի կարողացել գիտակցել առանձին գործողութիւնները կամ երե-  
վույթներն անկախ այն գործողութիւններից ու երևույթներից,  
որոնք ուղեկցել են միմյանց: Նա գիտակցել է իբար հետ կապ-  
ված երևույթների ու գործողութիւնների ամբողջ բարդ կոմպ-  
լեքսը և դրան համապատասխան էլ մի ճիշտ բառով արտահայտել  
իր գիտակցութեան մեջ կազմած կոմպլեքս-մտածութիւնը: Սրան  
հաջորդում է զարգացման այն աստիճանը, երբ մարդը կարողա-  
նում է գիտակցել իբար հետ շաղկապված երևույթներն ու գոր-  
ծողութիւններն իբարից անկախ: Այս աստիճանում է, ահա, որ  
մի ամբողջ մտածութիւն արտահայտող բառը կամ ավելի ճիշտ  
հնչյունական կոմպլեքսը դառնում է մի նախադասութիւն: Այս-  
տեղ էլ բառ-նախադասութեան առաջացումը պայմանավորված է  
նրա գիտակցութեան զարգացման աստիճանով: Նա, ճիշտ է, կա-  
րողանում է անջատել իբար հետ շաղկապված գործողութիւններն  
ու երևույթները, կարողանում է գիտակցել դրանք իբարից ան-  
կախ, բայց դեռևս չի կարողանում անջատել, իբարից անկախ  
գիտակցել առարկան ու հատկանիշը: Այն միասնութեամբ, որ  
գոյութիւն ունեն առարկան ու հատկանիշը օրեկտիվ իրականու-  
թեան մեջ, այդ միասնութեամբ էլ գիտակցվում էին նրանք  
մարդու կողմից: Բնական է, որ այս աստիճանի վրա նախադա-  
սութիւնը պետք է արտահայտուի մի բառով, որ իր մեջ միաց-  
նում էր թէ առարկան (ենթական), և թէ հատկանիշը (ստորո-  
գյալը):

Հասարակական կեցութեան հետագա զարգացման ու բար-  
 դացման զուգընթաց զարգանում է մարդու գիտակցութեանը,  
 որ և արտահայտվում է լեզվի մեջ: Մարդը հասնում է այն աս-  
 տիճանին, որ կարողանում է իրականութեանից վերանայլ և իբ-  
 դիտակցութեան մեջ միմյանցից անջատել առարկան և հատկա-  
 նիշը, մասնավորապես՝ գործողը, գործողութեանը և գործողու-  
 թեան կրողը (ուղիղ խնդիրը): Իրա հետևանքն է լինում նա-  
 խաղասութեան հոգաբաշխումը. մի բառ-նախաղասութեանը  
 վերածվում է առանձին բառերի կապակցութեան: Բայց քանի  
 դեռ մարդը դիտում է իրեն իբրև բնութեան մի մասը, քանի  
 դեռ նա ակտիվորեն չի ներգործում բնութեան վրա և երևույթ-  
 ները դիտում է ոչ իրենց շարժման (դինամիկ), այլ կայուն  
 (ստատիկ) վիճակում, ուստի և նրա մոտ առարկան ու գործո-  
 ղութեանը, և ենթական ու խնդիրը դեռևս սկզբունքորեն չեն  
 տարբերված, նրանք բոլորն էլ լեզվի մեջ հանդես են գալիս  
 իբրև անուն: Իրան համապատասխան էլ անվանական ու բայա-  
 կան նախաղասութեանների սահմանադատում չկա: Նախաղա-  
 սութեանը թեև հոգաբաշխված է, բայց նա հանդիսանում է վի-  
 ճակի, դրութեան, երևույթի անվանումը: Իրա վերապրուկները  
 կան բազմաթիվ լեզուներում. Օրինակ՝ օգուլերեն asa-yuol-so-  
 romoh «մարդը տեսավ եղջերուին» բառացի նշանակում է. «մարդ-  
 -եղջերու-տեսողութեան»:

Հոջորդ աստիճանում մարդը գիտակցում է մի կողմից գոր-  
 ծողի և գործողութեան փոխհարաբերութեանը, որով նա գործո-  
 ղին դիտում է իբրև գործողութեան աղբյուր, մյուս կողմից՝  
 գործողի (օբեկտի) և խնդրի փոխհարաբերութեանը, մեկին իբրև  
 ներգործող, մյուսին՝ կրող: Սրա հետևանքը լինում է այն, որ  
 տարբերակվում են գոյականն ու բայը՝ մի կողմից, և նախաղա-  
 սութեան մեջ ենթական ու ստորոգյալը և ենթական ու խնդիրը՝  
 մյուս կողմից: Սրա հետ միասին առաջանում են նաև հոլովնե-  
 րը, նախ և առաջ՝ գործողինն ու խնդրինը, ըստ որում գործողը  
 հաճախ ունենում է հատուկ հոլով (էրգատիվ): Այդ բանը կա-  
 տարվում է բայերի տարբեր սեռերի՝ անցողական և ոչ անցո-  
 ղական սեռերի առաջացմանը զուգընթաց:

Վերջապես, զարգացման ավելի բարձր աստիճանի վրա  
 հանդես է գալիս գործելու կամ ավելի ճիշտ՝ ներգործելու, որ-

պես առարկայի հիմնական ու մշտական հատկանիշի հասկացու-  
թյունը մարդու գիտակցութեան մեջ, և համապատասխանորեն  
նախադասութեանն էլ վերափոխվում է: Նախադասութեան մեջ գոր-  
ծողը (ենթական) դառնում է բոլոր հնարավոր ստորոգումների  
կենտրոնը. ձևական տեսակետից ուղղական հոլովը դառնում է  
ենթականի հոլով, նույնիսկ այն դեպքերում, երբ նախադասու-  
թեան քերականական ենթական իրականում գործողութեան  
կրողը, ուղիղ խնդիրն է (որդին սիրվում է հորից): Բնականա-  
բար դրան դուգակցվում է նաև կրավորական սեռի դարգա-  
ցումը:

Նույն նախապայմանների շնորհիվ պարզ նախադասու-  
թյուններից առաջանում ու դարգանում է բարդ նախադա-  
սությունը, որ հանդիսանում է հաղորդման ավելի բարդ եղա-  
նակը: Բարդ նախադասութեանն առաջանում է նախադասու-  
թեան երկրորդական անդամների ինքնուրույնացմամբ ու ստա-  
րոգման նոր միավոր դարձնելով, կամ հանդիսանում է համա-  
դասելու կամ ստորադասելու ուղղակի համադրութեան դարգա-  
ցումն ու արդյունքը: Վերջինս ստացվում է այն դեպքում, երբ  
երկու ամփոփ մտքերի (նախադասութեանների) անջատիչ սահ-  
մանը վերացնում ենք և երկու միավորներն ընդգրկում մեկի  
մեջ:

Բառի առաջացումը. -- Նախադասութեան այս հողաբաշխու-  
մը, որի շնորհիվ մի բառ-նախադասութեանը վերածվում է նա-  
խադասութեան բաղմամբիլ անդամներից կազմված մի միավորի,  
իր հետ առաջացնում է նաև անկախ բառերը: Եթե մարդը կա-  
րողանում է գիտակցել առարկան անկախ հատկանիշից, կամ հա-  
կառակը, ապա պարզ է, որ այդ առարկայի կամ հատկանիշի  
գիտակցումն արդեն պայմանավորում է համապատասխան բա-  
ռերի առաջացումը, կամ ավելի ճիշտ, նախկին բառ-նախադա-  
սութեանների վերածումն առանձին բառերի, նրանց ամբացումն  
այս կամ այն բառ-հասկացութեան: Այս շրջանում արդեն բառե-  
րը հանդես են գալիս իրրե օբեկտիվ իրականութեանը մեր գի-  
տակցութեան սեփականութեանը դարձնելու անկախ, ինքնու-  
րույն միավորներ: Նրանք, իրենց հնչյունական կազմով ու  
իմաստով, մեր գիտակցութեան մեջ հանդես են գալիս իրրե  
այդ օբեկտիվ իրականութեան առարկաների ու երևույթների

փոխարինողներ: Սակայն հենց բառի, իբրև առարկաների ու  
երևույթների փոխարինողի ծագումը լուսարանելու համար մեզ  
անհրաժեշտ է մի երկու խոսք ասել նաև բառի բովանդակու-  
թյան մասին: Այն, ինչոր մեղանից անկախ և մեղանից դուրս  
գոյություն ունի իբրև իր, առարկա, երևույթ և այլն, հանդես  
է գալիս որպես մեր գիտակցության մեջ տվյալ իրին, առար-  
կային կամ երևույթին փոխարինող բառի նյութական իմաստ:  
Բայց այս նշանակում է արդյոք, որ բառիմաստը նույնություն  
է կազմում այս կամ այն կոնկրետ առարկայի հետ: Բոլորովին  
էլ ոչ: Տարակույս չկա, իհարկե, որ յուրաքանչյուր բառ, իբրև  
որևէ իրի, առարկայի, երևույթի անուն, ինքնին նշում է ար-  
դեն այս կամ այն իբր, առարկան, երևույթը և այլն: Բայց դա  
բառիմաստի մի կողմն է միայն, դա բառի անվանողական դերն  
է: Մինչդեռ բառիմաստն ավելի լայն հասկացողություն է և չի  
սահմանափակվում այս կամ այն իրի, առարկայի նշումով: Ամե-  
նից առաջ, յուրաքանչյուր բառ, հենց բառ դառնալու համար,  
նախապես ենթադրում է որոշ ընդհանրացում ու վերացում: Այս-  
պես, մենք ունենք սեղան, աթոռ առարկաներն իրենց բազմա-  
թիվ տեսակներով ու ձևերով: Այս տեսակետից յուրաքանչյուրը  
մի կոնկրետ առարկա է, մինչդեռ մեր գիտակցության մեջ սե-  
ղան, արոտ բառերը չեն նշում այդ կոնկրետ տեսակներից որևէ  
մեկը, այլ տալիս են այդ բազմաթիվ առարկա-տեսակների ընդ-  
հանուր հասկացողությունը: Այդպես էլ կենդանի բույս, էար բա-  
ռերը նշանակում են չափազանց բազմազան ու բազմաթիվ կեն-  
դանիներ (գայլ, շուն, եղնիկ և այլն), բույսեր (ծառ, խոտ, թուփ  
և այլն), քարեր (գրանիտ, տուֆ և այլն): Նշանակում է, այդ  
ընդհանրացման ու վերացման շնորհիվ մարդը հասնում է այն-  
պիսի մի աստիճանի, երբ բառիմաստն այլևս չի համընկնում  
կոնկրետ առարկայի անվանումին: Իրան հակառակ, միևնույն  
առարկան մենք կարող ենք արտահայտել տարբեր ձևերով ու  
միջոցներով. ինչպես օրինակ՝ կրկան և Հայտնատանի մայրաքա-  
ղաք ասելով մենք հավասարապես նկատի ունենք միևնույն քա-  
ղաքը, այսինքն՝ նույն իմաստը, մինչդեռ արտահայտում ենք  
տարբեր միջոցներով ու ձևերով: Վերջապես, որ բառիմաստն ու  
բառ-անվանումը կարող են չհամընկնել իրար, շատ պարզ կերպով  
երևում է դերանունների մեջ: Իերանուններն, ինչպես հայտնի

է, խոսքի մեջ հանդես են գալիս իբրև այլ և այլ բառերի փոխարինողներ: Նրանց այդ դերը հնարավոր է դառնում այն բանի շնորհիվ, որ նրանք, առանձին վերցրած, չունեն առարկայական վերաբերություն, այսինքն՝ խոսքից դուրս չեն կարող լինել այս կամ այն առարկայի անվանումը: Օրինակ՝ ես դեռանունն ունի իմաստ, և այդ իմաստն այն է, որ նա նշանակում է տվյալ մոմենտում խոսող անձ՝ իր իսկ՝ խոսողի համար: Հետևաբար, յուրաքանչյուր անձ կարող է ես կոչել իրեն, երբ խոսողության պրոցեսում նա ուղում է նշել ինքն-իրեն: Այդպես են նաև մյուս դերանունները: Այս բոլորից հետևում է այն, որ յուրաքանչյուր բառի բովանդակությունն ունի երկու կողմ՝ բառիմաստ և առարկայական վերաբերություն: Բառիմաստն այն ընդհանուր հասկացությունն է, որ հասարակական գիտակցմամբ ու արժեքավորմամբ պարունակում է բառը: Առարկայական վերաբերությունն այն կոնկրետ նշանակությունն է, որ ունի բառը տվյալ խոսքի մեջ, տվյալ գործածությամբ: Այստեղ, ինչպես տեսնում ենք, հանդես են գալիս իրենց անխզելի կապով, որպես հակադրությունների զիջիկաթիկական միասնություն, բառիմաստը՝ իբրև ընդհանուր, և առարկայական հասկացումը՝ իբրև մասնավոր:

Վերն ասածներից հեշտ է եզրակացնել, որ բառիմաստը մեր գիտակցության մեջ հանդես է գալիս իբրև որևէ առարկայի, երևույթի ընդհանուր հասկացություն և, հենց դրանով էլ, ինքնին ենթադրում է որոշ վերացում (աբստրակցիա)՝ կոնկրետից: Սակայն, դրան հակառակ, նույնիսկ ժամանակակից որոշ լեզվաբաններ էլ բառիմաստը դիտում են որպես առարկայի պատկերացում, որպես ուղղակի մտապատկեր: Այս տեսությունը, որ սկիզբն է առել անցյալ դարի կեսերից, հանգում է այն բանին, որ բառիմաստի ըմբռնումը խոսողների կողմից համարվում է հոգեբանական մի պրոցես: Այսպես, ըստ այդ տեսության, երբ խոսողը հաղորդում է որևէ բառ, որևէ առարկայի կամ երևույթի անուն, ապա նախ և առաջ ինքը խոսողն իր մեջ նկատի է ունենում իր նշած առարկայի կամ երևույթի պատկերացումը, նրա որոշակի մտապատկերը: Արտասանված հնչյունախմբի, այսինքն՝ բառի հնչյունակազմի միջոցով ունկնդրողի լսողական տպավորությունները նրա մեջ ևս զարթեցնում են այն նույն

առարկա-մտապատկերները, որ ունենա հազորդողը, և այսպիսով  
տեղի է ունենում հազորդակցողների փոխադարձ ըմբռնումը:  
Այս, իհարկե, ընդունելի չէ: Բավական է հիշել վերն ասած  
հենց այն փաստը, որ բառիմաստը, որպես ընդհանուր հասկա-  
ցություն, չի նշում որևէ կոնկրետ առարկա, այլ միայն այդ  
առարկայի վերացական հասկացությունը: Երբ խոսողն արտա-  
սանում է բույս բառը, նա ինքն էլ չունի որևէ կոնկրետ բույսի  
պատկերացումը, նա ինքն էլ, նույնիսկ, չգիտե, թե խոսքը  
կոնկրետ որ բույսի մասին է: Օրինակ՝ երբ ասում ենք բույսն  
ամում է, մենք չգիտենք, թե կոնկրետ ինչ բույսի մասին ենք  
խոսում, այսինքն՝ նկատի չենք ունենում որևէ ծառ, թուփ կամ  
խոտ, այլ այդ բոլորը միասին վերցրած: Իսկ եթե մենք նկատի  
չունենք որևէ կոնկրետ առարկա, ապա՝ շատ պարզ է, որ առար-  
կայի մտապատկեր նույնպես ունենալ չենք կարող: Եթե մենք  
տրտասանում ենք տուն բառը, առանց նկատի ունենալու որևէ  
կոնկրետ տուն, ապա՝ ինչպես կարող ենք տան մտապատկերն  
ունենալ այդ բառն արտասանելիս: Հոգեբանական այն պրոցե-  
սը, որի շնորհիվ մենք ստանում ենք այս կամ այն առարկայի  
մտապատկերը, կապված է հենց այդ կոնկրետ առարկայի հետ,  
մինչդեռ բառիմաստն, ինչպես ասել ենք, ենթադրում է վերա-  
ցում հենց այդ կոնկրետ առարկաներից: Ուրեմն՝ բառիմաստի  
ըմբռնումը չի կարելի համարել հոգեբանական պատկերացում-  
ների արդյունք: Եթե մենք կարողանում ենք փոխադարձաբար  
ըմբռնել իրար ու հասկանալ միմյանց հազորդած բառերի  
իմաստները, ապա՝ այդ միայն այն բանի շնորհիվ ենք կարո-  
ղանում, որ մեզանից յուրաքանչյուրի գիտակցության մեջ  
տվյալ հնչյունը կամ հնչյունախումբը հանդես է գալիս իբրև  
այս կամ այն հասկացության նյութական ձև: Ուրիշից լսած  
հնչյունական տպավորությունները մեր գիտակցության մեջ  
առաջ են բերում այս կամ այն բառի հնչյունական մտապատ-  
կերը, իսկ այդ էլ՝ այն հասկացությունը, որ կապված է հենց  
այդ հնչյունական մտապատկերի հետ: Բայց ինչպե՞ս է, որ  
մարդկանց գիտակցության մեջ կազմվում, գոյանում է տվյալ  
հասկացությունը, որի շնորհիվ էլ մարդիկ կարողանում են փո-  
խադարձաբար ըմբռնել իրար: Այդ պրոցեսի միանգամայն որո-  
շակի պարզաբանությունը տալիս է Մարքսը՝ «Դիտողություն»

ներ Աղուֆ Վագների գրքի մասին» հողվածի մեջ նա ասում է.  
«Մարդը հարաբերության մեջ է գտնվում արտաքին աշխարհի առար-  
կաների, իբրև յուր պահանջների բավարարման միջոցների, հետ...  
ինչպես և ամեն մի կենդանի, նրանք սկսում են այն բանից,  
որ ուտեն, խմեն և այլն, այսինքն ոչ թե «գտնվեն» ինչ-որ  
հարաբերության մեջ, այլ ակտիվորեն գործեն, գործունեության  
շնորհիվ տիրապետեն արտաքին աշխարհի հայտնի առարկաներին  
և այդպիսով բավարարեն իրենց պահանջները (նրանք, հետևաբար,  
սկսում են արտադրությունից)։ Այս պրոցեսի կրկնության  
շնորհիվ այդ առարկաների՝ «մարդու պահանջները» բավարարելու  
ունակությունը տպավորվում է նրանց ուղեղում, մարդիկ  
և զազանները սովորում են նաև «տեսականորեն» տարբերել  
իրենց պահանջները բավարարելուն ծառայող արտաքին  
առարկաները մյուս բոլոր առարկաներից։ Հետագա զարգացման  
որոշ մակարդակի վրա, այն բանից հետո, երբ բազմապատկվե-  
ցին և ապա միաժամանակ ավելի զարգացան մարդկանց պահանջների  
ու գործունեության տեսակները, որոնց օգնու-  
թյամբ նրանք բավարարվում են, մարդիկ տալիս են առանձին  
անուններ այդ առարկաների ամբողջ կարգերին, որ նրանք  
փորձով արդեն տարբերում են մնացյալ արտաքին աշխարհից։

Այս անխուսափելիորեն վրա է հասնում, քանի որ նրանք  
գտնվում են արտադրության պրոցեսում, այսինքն՝ այդ առարկաների  
յուրացման պրոցեսում, մշտապես աշխատանքային  
կապի մեջ իրար հետ և այդ առարկաների հետ և շուտով սկսում  
են նույնպես և կռիվ մղել ուրիշ մարդկանց հետ՝ այդ առարկա-  
ների համար։ Բայց այդ բառային անվանումը պատկերացման  
ձևով միայն արտահայտում է այն, ինչ որ կրկնվող գործունե-  
ությունը վեր է ածել փորձի, այսինքն՝ այն, որ որոշ արտաքին  
առարկաներ, որոշ հասարակական կապի մեջ ապրող մարդկանց  
(սա լեզվի առկայությունից անհրաժեշտաբար բխող են-  
թադրություն է) ծառայում են նրանց պահանջները բավարարելու  
համար։ Մարդիկ տալիս են այդ առարկաներին առանձին  
(տեսակի) անուն, որովհետև նրանք արդեն գիտեն այդ առարկաների  
ունակությունը՝ ծառայել նրանց պահանջների բավարարմանը,  
որովհետև նրանք առավել կամ պակաս հաճախ կըրկր-  
կրնվող գործունեության օգնությամբ ձգտում են տիրապետել

նրանց և այդպիսով նաև պահել նրանք իրենց տիրապետութեան  
 տակ. նրանք, հնարավոր է, այդ առարկաներն անվանում են  
 «բարիքներ» կամ դարձյալ ուրիշ որևէ կերպ, որը նշանակում  
 է, որ նրանք պրակտիկ կերպով գործադրում են այդ առարկա-  
 ները, որ վերջիններս նրանց օգտակար են... Մարդիկ փաստո-  
 րեն սկսում են նրանից, որ իրենց են յուրացնում արտաքին  
 աշխարհի առարկաները, որպես միջոցներ՝ իրենց սեփական  
 պահանջները բավարարելու համար և այլն, և այլն. հետո  
 նրանք հասնում են այն բանին, որ և բառային կերպով նշա-  
 նակում են նրանք իբրև իրենց պահանջները բավարարելու մի-  
 ջոցներ, — որպիսին նրանք արդեն ծառայում են նրանց համար  
 պրակտիկ փորձում... մարդիկ ոչ միայն պրակտիկայում վերա-  
 բերվում են այդպիսի նման առարկաներին, որպես իրենց պա-  
 հանջների բավարարման միջոցների, այլ նաև պատկերացումների  
 մեջ և ապա, բառային արտահայտութեան մեջ նշում են նրանք  
 իբրև իրենց պահանջները «բավարարող առարկաներ...»<sup>1</sup> Այս հաս-  
 վածում Մարքսը միանգամայն պարզորեն լուսաբանում է առար-  
 կաների բառային անվանման ու բառիմաստի կազմավորման պրո-  
 ցեսը: Մարդը նախ և առաջ արտադրութեան մեջ հայտնի հարա-  
 բերութեանների մեջ է մտնում արտաքին աշխարհի առարկաների  
 հետ, այդ հարաբերութեանների շնորհիվ նա տարբերում է իր «պա-  
 հանջները բավարարելուն ծառայող» առարկաները մնացյալ առար-  
 կաներից և ապա անվանում է այդ առարկաները: Սակայն անվանե-  
 լով առարկաները, նա այդ անվանումների մեջ դնում է հենց այն  
 հարաբերութեանը, որ կա իր և այս կամ այն առարկայի միջև:  
 Նույն տեղում Մարքսն ասում է. «Նրանք (մարդիկ է. Ա.) վե-  
 րադրում են առարկային օգտակարութեան բնույթը, որն իբրև  
 թե համուկ է իրեն իսկ՝ առարկային, թեև ոչխարին հազիվ թե  
 իբրև յուր «օգտակար» հատկութեաններից մեկը պատկերանար  
 այն, որ նա պիտանի է մարդուն որպես կեր»:<sup>2</sup> Նշանակում է,  
 տալով առարկաներին բառային անվանումներ, մենք այդ անվա-  
 նումների (հնչյունախմբի) մեջ առաջին հերթին դնում ենք հենց  
 այն հարաբերութեանը, որ կա մեր և այդ առարկաների միջև:

<sup>1</sup> К. М а р к с и Ф. Э н г е л ь с, С о ч. т. XV, стр. 461—621

<sup>2</sup> Անդ, էջ 462:

Հետևաբար բառիմաստի կազմվելը հիմնված է մարդու պրակտիկ գործունեութեան վրա և արտահայտում է այդ գործունեութեան ընթացքում մարդու ունեցած հարաբերությունները մի կողմից ուրիշ մարդկանց, մյուս կողմից արտաքին աշխարհի առարկաների հետ:

Ի հարկե, գիտակցութեան զարգացման նախնական շրջանում հասկացութեան կազմավորման մեջ կարող են դեր կատարել նաև առարկայի ձևը, գույնը և այլ արտաքին հատկանիշներ, բայց դրանք երկրորդական նշանակութեան ունեն: Իրանց նշանակութեանն ավելի մեծ է ոչ թե հասկացութեանների կազմավորման, այլ՝ քերականական կարգերի առաջացման մեջ: Արտաքին աշխարհի նկատմամբ ակտիվորեն գործելու պրոցեսում մարդիկ ճանաչում են արտաքին առարկաները նրա հետ ունեցած կրկնվող հարաբերությունների շնորհիվ և հենց այդ ճանաչմամբ էլ կազմում այդ առարկաների հասկացութեանները իրենց գիտակցութեան մեջ: Այս բանը հեշտ է ցույց տալ ամենահասարակ օրինակներով. դեռ նոր խոսել սովորող երեխան նախապես չի տարբերում իրեն շրջապատողներին իբրև մայր, հայր, տատ և այլն: Բայց հենց այդ շրջապատողները շարունակ երեխայի մոտ կրկնում են այդ անունները և ցույց տալիս դրանց կրողներին: Աստիճանաբար այդ անընդհատ կրկնվող անվանումների ու ցուցադրումների շնորհիվ երեխան սովորում է այդ բառերը և հասկանում այն, այսինքն՝ ճանաչում այդ անունները կրողներին: Իսկ այդ ճանաչումը ոչ այլ ինչ է, եթե ոչ հասկացութեան գոյացումը գիտակցութեան մեջ: Մի ուրիշ օրինակ բերենք. ենթադրենք, թե երկու տարբեր ազգի ներկայացուցիչներ միմյանց չեն հասկանում. նրանցից մեկը (a) մյուսից (b) խնդրում է ծխախոտ՝ որոշ նշաններով արտահայտելով ծխախոտի գաղափարը (երկու մասները բերնի մոտ տարած՝ օդ ներծծել ու դուրս փչել և այլն): Իմացիներ, այդ նշաններից ստացած տեսողական տպավորութեանների շնորհիվ, հասկանում է մյուսին, թեև անմիջապես չի տեսնում ծխախոտ առարկան. այստեղ հաղորդված նշաններն ընկալողի գիտակցութեան մեջ զարթեցնում են ծխախոտ առարկայի հասկացողութեանն ու բառային ձևը, որի շնորհիվ էլ նա հասկանում է: Երկրորդ դեպքում, նույն մարդը մյուս

սին ցույց է տալիս մի իր, որ վերջինս երբեք չի անսել և որի մասին ոչ մի գաղափար չունի: Այս դեպքում, ի հարկե, երկրորդն անմիջապես ունենում է որոշ պատկերացում, բայց դրան հասկանալ նա չի հասկանում, թե ինչ բան է այդ իրը, որովհետև չի ճանաչում այն, և հետևաբար, իր գիտակցութեան մեջ չունի այդ իրի բառ-անվանումն ու բառիմաստ-հասկացութեանը:

Այստեղից հետևում է, որ կոնկրետ առարկաների հետ ունեցած հարաբերութեանների միջոցով և հենց դրանց ընթացքում մենք ճանաչում ենք այդ առարկաները և դարձնում մեր գիտակցութեան սեփականութեանը՝ այդ առարկայի հասկացութեանը պարունակող անվանումներով՝ բառերով, և ոչ այդ առարկաների պատկերացումներով: Այսպիսով բառաձևի և բառիմաստի միջև հասարակական պրակտիկայի շնորհիվ ստեղծվում է ձևի ու բովանդակութեան միասնություն հենց բառի ծագման պրոցեսում, և այն ընդհանուր հասկացութեանը, որ մենք վերնանվանեցինք բառիմաստ, տրտացուլում է այդ հասարակական պրակտիկան: Հետևաբար այդ ընդհանուր հասկացութեանը, այսինքն բառիմաստը տվյալ լեզվական հանրության բոլոր անդամների ընդհանուր, լեզվական ձևի ու հասարակական գործունեության արտաքին իրականության տարրերի (առարկաներ, երևույթներ և այլն) միջև ստեղծված փոխհարաբերությունն է: Իսկ չէ՞ որ մարդը հարաբերութեան մեջ է մտնում իրեն շրջապատող բազմաթիվ ու բազմատեսակ առարկաների հետ, որոնցից յուրաքանչյուրը շնայած նույն տեսակի մյուս առարկաների հետ ունեցած նմանութեաններին, ունի նաև իր առանձնահատուկ հատկանիշները, մինչդեռ լեզվի մեջ այդ առանձին առարկաների յուրահատկութեանները վերացվում, անտես են առնվում: Այո, լեզվի մեջ մենք կատարում ենք հասարակական փորձի դասդասում, ընդհանրացում ու վերացում: Մեզ շրջապատող բազմաթիվ ու բազմատեսակ առարկաները վերածելով այլ և այլ դասերի (կարգերի) մենք մի կողմ ենք թողնում տվյալ դասի մեջ մտնող առարկաների մասնակի հատկանիշները և միացնում այդ բոլորը նրանց միջև եղած ընդհանուր հատկանիշների հիմամբ, այսինքն՝ իրականում եղած մասնավորներից մեր հասարակական փորձի շնորհիվ մենք մեր գիտակցութեան մեջ ստեղծում ենք այդ մասնավորների ընդհանուր հասկացութեանը: Իսկ ընդհանուրն ու մաս-

նախորդ գիտելիության անխախտելի միասնություն են կազմում:
 «Առանձինը գոյություն չունի այլ կերպ, —ասում է Լենինը,—քան
 այն կապակցությամբ, որը տանում է դեպի ընդհանուրը: Ընդ-
 հանուրը գոյություն ունի միայն առանձինի մեջ, առանձինի մի-
 ջոցով: Ամեն մի առանձին (այսպես թե այնպես) ընդհանուր է:
 Ամեն մի ընդհանուր առանձինի մասնիկը կամ կողմը կամ էութ-
 թյունն է: Ամեն մի ընդհանուր միայն մոտավորապես է ընդ-
 գրկում բոլոր առանձին առարկաները: Ամեն մի առանձին մշտ-
 նում է ընդհանուրի մեջ ոչ լիովին և այլն և այլն»: Այսպիսով
 բառիմաստը՝ լինելով ընդհանուրը՝ յուր մեջ է անում առանձին
 առարկաները, բազմաթիվ մասնավորները՝ նրանց միջև կզած
 ընդհանուր հատկանիշների շնորհիվ, և իբրև այդպիսին էլ, նա,
 այդ ընդհանուրը, գոյություն ունի միայն մեր գիտակցության
 մեջ: «Լեզվի մեջ կա միայն ընդհանուրը («ЭТО? ամենից ընդհա-
 նուր բանն է»), ասում է Լենինը: «...Առանձնակին կատարյալ
 կերպով չի կարող արտահայտված լինել... ամեն մի բան (խոսք)
 արդեն ընդհանրացնում է... Չգացումը ցույց է տալիս իրականը,
 միտքն ու բանը՝ ընդհանուրը»: Ընդհանուրի ստեղծմամբ իսկ
 մարդը կատարում է վերացում՝ կոնկրետ առարկաների իրական
 առանձնահատկություններն անտեսելով և դրանց փոխարեն իբր
 գիտակցության մեջ ստեղծելով ընդհանուրը: Այս բանը ցայտուն
 կերպով նշել է Լայբնիցը, որի խոսքերը յուր «Փիլիսոփայական
 տեսարաններում» մեջ բերելով՝ Լենինը շատ է հավանում. «Չգա-
 յական ընկալումը տալիս է առարկան, իսկ միտքը՝ նրա անունը:
 Մտքի մեջ չկա ոչինչ, որ չլինի զգայական ընկալման մեջ (NB),
 բայց այն, ինչ որ զգայական ընկալման մեջ տրված է իրապես,
 մտքի մեջ գտնվում է միայն անվանապես, անունով: Միտքը
 բարձրագույն էակն է, աշխարհի կառավարողը. բայց միայն ա-
 նունով, և ոչ՝ իրականում (լավ է ասված!): Բայց ինչ է անու-
 նը: Տարբերակման համար ծառայող նշան, աչքին ընկնող ինչ-որ
 հատկանիշ, որը ես դարձնում եմ առարկայի ներկայացուցիչը,
 որ բնութագրում է առարկան, որպեսզի հիշեմ նրան յուր ան-

1 Լենին, Երկեր հ. 13, էջ 421.

2 Ленинский сборник, т. XII, стр. 23.

3 Անդ, էջ 219.

բողջականութեան մեջ<sup>1</sup> Այս խոսքերն արժանացել են Լենինի հաճանութեանն այն պատճառով, որ դրանց մեջ ճիշտ կերպով արված է առարկաների ու բառիմաստի փոխհարաբերութեանը: Մեզ շրջապատող բաղմաթիվ իրական, մասնավոր առարկաները հասարակական գործունեութեամբ կուտակված փորձի շնորհիվ գասդասում ենք՝ մի դասի մեջ առնելով «աչքին խփող» միևնույն բնութագրող հատկանիշը ունեցող բաղմաթիվ առարկաները, մի կողմ թողնելով նրանց մասնակի հատկանիշները: Այսպիսով մենք առարկաների միջև եղած այն ընդհանուրն ենք վերցնում, որ հասուկ է այս կարգի առարկաներից բոլորին, հանդիսանում է այս կարգի առարկաները մյուս կարգի առարկաներից տարբերակող հատկանիշը: Այս ընդհանրացումն ու վերացումն անշուշտ լեզվի մեջ հենց սկզբից և եթ հանդես չեն եկել: Իր զարգացման նախնական, ստորին աստիճանի վրա, ինչպես գիտակցութեանը, այնպես էլ լեզուն հանդես է եկել առավել չափով կոնկրետ անմիջականութեամբ՝ արտաքին աշխարհի նկատմամբ: Այսպես, դեռ նոր մարդ դարձող մեր նախահայրերի համար աղքատիկ հասարակական փորձի շնորհիվ իրարից բոլորովին տարբեր բաներ էին առվի ջուրը, լճացած ջուրը, գետնից դեպի վեր բխող աղբյուրի ջուրը և այլն. իր այդ աղքատիկ ճանաչողութեան համապատասխան էլ նախամարդն ըմբռնում էր դրանք իբրև տարբեր առարկաներ և ունենում տարբեր հասկացութեաններ: Հետագայում, հասարակական կյանքի զարգացման ընթացքում և նորանոր փորձերի շնորհիվ մարդը գտնում է այդ բոլորի՝ իբրև մի կարգի առարկաների՝ ընդհանուր հատկանիշը և դրան համապատասխան էլ ստեղծում ջուր բառը՝ իբրև ընդհանուր հասկացութեան՝ յուր բոլոր մասնակիութեանների համար: Այդպես են ստացվել մանավանդ այսպես կոչված վերացական հասկացութեանները՝ կոնկրետից: Հայերեն ըմբռնել ծագում է բուն արմատից, ռուսերեն՝ воззрение «հայացք», мировоззрение «աշխարհայացք» — տեսնել արմատից, ֆրանսերեն comprehendre «հասկանալ, ըմբռնել» — prendre «վերցնել» արմատից և այլն: Անսահման օրինակներ կարելի է բերել այն մասին, որ լեզուների այդ վերացական բառերն իրենց ծագմամբ կապված են միան-

<sup>1</sup> Անդ, էջ 141:

դամայն կոնկրետ երևույթների ու առարկաների ըմբռնման հետ: Այս մասին շատ որոշակիորեն ասում է Մարքսը. «Բայց ի՞նչ կասեր (ծեր) Հեյելը, եթե այն աշխարհում իմանար, որ «ընդհանուրը» (Allgemeine) գերմանների ու հյուսիսայինների մոտ նըշանակում է ոչ այլ ինչ, քան համայնքի հողը (Gemeinland), իսկ «մասնավորը» (Sundre, Besondre) ոչ այլ ինչ, քան համայնական հողից առանձնված մասնավոր սեփականութունը (Sondereigen): Այստեղ արտաբանական կատեգորիաները... ուղղակի բխում են «մեր հարաբերութուններից»<sup>1</sup>: Այս բոլորից հեշտ է եզրակացնել, որ հասկացութունները կազմվում և զարգանում են հասարակական. դործունեությամբ ստեղծվող փորձի հիմամբ, և որ բառիմաստը յուր ծագմամբ ու զարգացմամբ արտացոլում է հենց այդ հասարակական փորձը: Բայց այդ բառիմաստի մի կողմն է միայն: Բառիմաստի մեջ մենք գտնում ենք ոչ միայն արտաքին աշխարհի առարկան, իրը, այլ և մարդուներաշխարհի երևույթները: Իրոք, չէ՞ որ մարդու համար գոյութուն ունեն ոչ միայն արտաքին աշխարհի երևույթները, այլ և իր իսկ ներքին աշխարհը՝ յուր զգացումներով, ապրումներով, ցանկութուններով ու ձգտումներով: Կարո՞ղ է արդյոք մարդն իր այդ ներքին աշխարհը չդրսևորել լեզվի միջոցով: Բնականաբար՝ ոչ: Լեզվական յուրաքանչյուր միավորի մեջ մարդն արտահայտում է ոչ միայն արտաքին աշխարհի երևույթները, այլև իր վերաբերմունքը այդ երևույթների նկատմամբ, այդ երևույթների առաջացրած զգացմունքները և այլն: Նշանակում է, խոսքի մեջ բառերը հանդես են գալիս ոչ միայն իբրև մտքի նշաններ, այլև՝ իբրև զգացական նշաններ՝ արտահայտելով խոսողի վերաբերմունքը, հոգեվիճակը, ցանկութունները և այլն: Մովորական խոսակցության ժամանակ էլ լսողը կարող է գաղափար կազմել խոսողի հոգեկան վիճակի, արտահայտվածի նկատմամբ ունեցած նրա վերաբերմունքի մասին՝ դատելով խոսողի բառերի ընտրութունից, նըրանց դասավորութունից, ինտոնացիայից և այլն: Խոսողն էլ իր հերթին ձգտում է այդ բանին, այսինքն՝ աշխատում է լսողին հաղորդել իր վերաբերմունքը, իր այս կամ այն զգացմունքը, հոգեկան ապրումները՝ կապված իր արտահայտածի հետ:

<sup>1</sup> К. Маркс и Ф. Энгельс, Соч. т. XXIV, стр. 34.

Այս երևույթի արդյունքը լինում է այն, որ լեզվի մեջ ստեղծվում է ոչ միայն բառիմաստների (հասկացությունների) արտահայտութայան համակարգ, այլև՝ զգացմունքների արտահայտութայան համակարգ: Լեզուն հանդիսանում է այդ երկու համակարգերի միասնությունը: Հենց դրա արդյունքն է այն, որ լեզվի մեջ, մանավանդ խոսակցական լեզվի մեջ, ստեղծվում են բազմաթիվ ու բազմատեսակ ձևեր, որոնք արտահայտում են խոսողի վերաբերմունքը տվյալ երևույթի, դործողութայան, այսինքն՝ յուր արտահայտած խոսքի նկատմամբ: Համեմատել, օրինակ, հետևյալ նախադասությունները. դե գնացե՛ք, գնացե՛ք, էլի՛, գնացե՛ք, ե՛. լավ, գնացե՛ք և այլն: Այս նախադասությունները բոլորն էլ նույն միտքն են արտահայտում, բայց որքան տարբեր է նրանցից յուրաքանչյուրի մեջ խոսողի կողմից դրված վերաբերմունքը: Այդպիսի բազմաթիվ գուգաձևերով, ահա, մարդը հաղորդում է ոչ միայն իր մտածածը, այլև՝ զգացածը: Այդ զգացմունքների արտահայտման համար լեզուն դիմում է հավելադիր բառերի (դե, էլի, է, մի և այլն), ինտոնացիայի, կրկնությունների օգտագործմանը և այլ միջոցների: Այդ միջոցները բազմազան են և կարող են խոսքին հաղորդել ամենանուրբ երանգավորումներ:

Կարևորն այստեղ այն է, որ դրանք ծառայում են մեր ապրումների, վերաբերմունքի, ցանկութայան դրսևորմանը: Այդ պատճառով էլ այդպիսի արտահայտությունները չպետք է նույնացնել պատկերավոր կամ բանաստեղծական մտածողութայան հետ: Պատկերավոր մտածողությունն արտահայտում է օբեկտիվն ավելի վառ, տպավորիչ դույներով, մինչդեռ զգայականն արտահայտում է սուբեկտիվը, առանց փոխելու օբեկտիվի էությունը: Իհարկե, դա չի նշանակում, թե այստեղ սուբեկտիվը ինչոր ինքնաբավ, ինքն իրենից սկսվող և իրենով ավարտվող, մյուսներից անկախ մի միավոր է. ոչ: Քանի որ յուրաքանչյուր մարդ հասարակական մարդ է, քանի որ հասարակութայան յուրաքանչյուր անհատը յուր մեջ կրում ու դրսևորում է տվյալ հասարակութայանը հատուկ գիտակցությունն ու հոգեբանությունը, ապա պարզ է, որ այդ զգացականն էլ հասարակական է: Բայց, ի տարբերություն պատկերավոր մտածողութայան, զգացականը դրսևորում է հենց հասարակութայան հոգեկան հատկանիշները,

ինչպես ժամանակակից հայերենում բուրժույ, կուլակ, շարչի և  
այլն, որոնք քաղաքական գնահատությունն են արտահայտում:

Զգացական այդ արտահայտչական միջոցները հաճախ  
առաջ են բերում նույն իմաստն արտահայտող բառեր՝ հոմանիշ-  
ներ, որոնք, ինչպես և վերը թված միջոցները, ոչ թե փոխում  
են բառիմաստը, ոչ թե փոխում են տվյալ առարկայի կամ երե-  
վույթի հասկացությունը մեր գիտակցության մեջ, այլ արտա-  
հայտում են մեր հավանությունը, համաձայնությունը, ախոր-  
ժանքը կամ տհաճությունը, համաձայնությունը կամ տարաձայ-  
նությունը, ցավակցությունը, համակրանքը կամ հակակրանքը  
տվյալ երևույթի նկատմամբ: Այսպես, օրինակ, երբ ասում ենք  
ուտել, փորը լցնել, լափել, խժռել, կամ ծիծաղել, հրուհրուալ, սե-  
պերը բաց անել և այլն՝ մենք իրականում նույն երևույթն ենք  
արտահայտում, բայց՝ նշում ենք նաև մեր վերաբերմունքը: Եվ  
այդ վերաբերմունքն ըմբռնելի է դառնում բոլորին հենց այն  
բանի շնորհիվ, որ այս կամ այն երևույթի նկատմամբ տվյալ  
հասարակությունն ունի այս կամ այն վերաբերմունքը: Մեզ  
ընթացաբար երևույթները հասարակության կողմից արժանանում  
են այս կամ այն գնահատականին, իսկ այդ հասարակական գնա-  
հատականն էլ դրսևորվում է անհատի միջոցով՝ տվյալ իրողու-  
թյան նկատմամբ ցուցաբերած վերաբերմունքով: Այսպիսով բա-  
ռիմաստն իր մեջ է առնում ոչ միայն առարկայի հասկացությու-  
նը, այլև՝ նրա գնահատությունը հասարակության կողմից:

Լեզվաբանության մեջ ավելի շատ տեսություններ են ար-  
տահայտվել այն մասին, թե ինչպես է կազմվել բառաձևը, թե  
ինչու այս հնչյունական խումբը տրված է այսինչ հասկացու-  
թյան և ոչ մի ուրիշին, և թե ինչ կապ կա բառաձևի ու բառի  
բովանդակության միջև: Այժմ արդեն անվիճելիորեն ընդուն-  
ված պետք է համարել այն տեսությունը, թե ծագումաբանա-  
կան տեսակետից որևէ բնական կամ տրամաբանական կապ չկա  
բառի հնչյունական կազմի և նրա բովանդակության միջև, եթե  
չհաշվենք բնաձայնական բառերը, որոնք լեզվի բառապաշարի  
մեջ չափազանց փոքր մասն են կազմում: Ինչպես են ուրեմն  
կազմվել բառաձևերը: Այս առթիվ լեզվաբանության մեջ դեռևս  
շարունակում են արտահայտվել այսպես կոչված բնաձայնության  
և միջարկության (բացառանչության) տեսությունները: Լեզվա-

բաններին շատերը գտնուած են, որ նախամարդն իր շրջապատի  
ձայների նմանողութեամբ հորինել է բնածայնական արմատներ  
ը, և ապա դրանց հետագա փոփոխումներով ու դրա շնորհիվ  
բնական ձայնի և այդ բնածայն բառերի անմիջական կապի  
խզմամբ՝ ստացել նորանոր բառեր: Ըստ այս տեսութեան լեզու  
ների բառարմատներն սկզբում եղել են բնածայն բառերը, ինչ  
պես՝ կու-կու, լըխկ, չըխկ, քըխկ և այլն: Այս տեսութեանը սխալ  
է հենց այն պատճառով, որ բառաստեղծական պրոցեսի հիմքն է  
համարուած մարդու նմանողական գործունեութեանը՝ լսողական  
տպավորութեանների հիման վրա: Մինչդեռ բնածայնական բա  
ռերը միայն նմանողութեան արդյունք չեն: Յուրաքանչյուր  
բնածայնական բառի ստեղծումն արդյունք է երկու բարդ պրո  
ցեսի: Նախ՝ որպեսզի կարողանանք այս կամ այն բնական ձայ  
նը բառ դարձնել, պետք է վերանանք հենց այդ բնական ձայ  
նից, այսինքն՝ կազմենք նրա հասկացութեանը: Երկրորդ՝ որ  
պեսզի այդ ձայնը վերածենք բառի, մենք պետք է վերանանք  
մեր լսողական անմիջական տպավորութեաններից և փոխարի  
նենք դրանք նման հնչյուններով. չէ՞ որ մեր բնածայն բառե  
րից և ոչ մեկն էլ ճիշտ վերարտադրութեանը չէ այն բնական  
ձայնի, ինչ-որ լսուած ենք: Իսկ եթե այդպես է, ապա մենք  
պետք է ունենանք և՛ հնչունական զարգացած համակարգ, և՛  
բնական ձայնը հնչյունների վերածելու, այսինքն՝ բնականից  
վերանալու և մեր հնչյունական պատկերացումներով արտահայ  
տելու ունակութեան: Իսկ այդ ենթադրուած է լեզվի զարգացման  
մի շատ ավելի բարձր աստիճան: Վերջապես, եթե մարդկային  
լեզվի բառապաշարը առաջացել է բնածայն բառերից, ապա՝ քա  
նի որ բնական ձայները նման են իրար, պետք է բոլոր լեզու  
ների բառապաշարի հիմնական մասը նույնը լինի: Ինչ վերաբե  
րուած է միջարկութեանների տեսութեան, ապա այն ևս ճիշտ չէ:  
Ըստ այս տեսութեան սկզբում մարդիկ ունեցել են բնական բա  
ցազանչութեաններ, որոնք ուղեկցել են նրա այս կամ այն  
զգացողութեանը: Հետագայում այդ բացազանչութեանները  
դարձել են համապատասխան զգացումների կամ երևույթների  
մշտական անունները: Բայց եթե այսպես լիներ, ապա բոլոր  
մարդկանց մոտ էլ միևնույն զգացումը, որ նույն բնական բա  
ցազանչութեանն էր առաջացնում, պետք է ունենար միևնույն

անվանումը. բացի այդ, չէ՞ որ նախամարդն այնքան նուրբ  
զգացողությունն չէր կարող ունենալ, որ յուրաքանչյուր երևույ-  
թի և առարկայի համար ուրույն զգացում ու համապատասխան  
ձայնարկությունն ռենհնար, որ հետագայում այդ առարկայի կամ  
երևույթի ու նրա հարուցած զգացման անվանումը դառնար:  
Ի վերջո, որքան էլ անզարգացած համարենք նախամարդուն և  
նրա լեզուն, չենք կարող ժխտել, որ այդ անզարգացած վիճա-  
կում էլ նա լեզվով պետք է որոշ մտքեր հաղորդեր: Ուստի և  
բնազդական ձայները չէին կարող նրա հաղորդակցման միջոցը  
լինել: Այս երկու տեսություններն էլ խիստ կերպով և իրավա-  
ցիորեն քննադատվել են. որոշ լեզվաբաններ նույնիսկ ծաղրան-  
քով կոչել են առաջինը՝ «հաֆ-հաֆ-ի տեսություն» (բնաձայ-  
նություն), երկրորդը՝ «ֆու-ֆու-ի տեսություն» (միջարկու-  
թյուն): Ավելի հետաքրքրական և ուշադրամ է Լուդվիգ Նուա-  
րեի «աշխատանքային ճիշերի» տեսությունը: Ըստ այդ տեսու-  
թյան նախապես առաջացել են բայերը այն բնական ճիշերից,  
որ արձակել է մարդն աշխատանք կատարելիս: Բայց Նուարեի  
այս տեսությունն էլ չի լուծում մարդկային լեզվի հարուստ ու  
բազմաբովանդակ բառապաշարի գոյացման հարցը, որ դարձյալ  
կապում է ոչ կամային, բնազդական, թեկուզ և աշխատանքի  
հետ արձակվող ճիշերին: Ինքը Նուարեն էլ վերջին հաշվով այդ  
բոլորի հիմքն է համարում մարդկային բանականության ստեղ-  
ծագործ գորությունը:

Բառերի ստեղծումը ճիշտ բացատրելու համար անհրաժեշտ  
է ճիշտ կերպով գնահատել հնչյունական լեզվի այն նախնական  
տարրերը, որ մարդը ժառանգել է յուր կենդանական վիճակից:  
Մենք ասացինք արդեն, որ կենդանական վիճակում ունեցած  
բնազդական ճիշերը նախամարդու կողմից գիտակցվում են և  
վերածվում բառ-մտածության: Մարդացման պրոցեսի հետ, գի-  
տակցության առաջացման գուզընթաց այդ նախնական ճիշերի  
գիտակցումով ու իբրև հաղորդակցման միջոցներ գործածելով մեր  
նախնիները ձեռք են բերում առաջին լեզվական ատաղձը: Այդ  
բառ-մտածություններն այլևս բնական ճիշեր ու բացազանչու-  
թյուններ չեն, այլ գիտակցված և իրենց իսաստով ու գործա-  
ծությամբ տարբերակված հնչյունական կոմպլեքսներ: Հնչյու-  
նական լեզվի այս ատաղձն ունենալուց հետո մարդուն մնում էր

հարստացնել ու զարգացնել այն: Իսկ այդ հարստացումն ու զարգացումը կատարվում է ոչ թե բնական ձայների նմանողությամբ կամ բնազդական բացազանչությունների հիմամբ, այլ հասարակության, մարդկային արտադրական կոլեկտիվի ստեղծագործական ջանքերով: Այս առթիվ Մաուր հանձարեղ մի դրույթ է արտահայտել, որ և մենք միանգամայն ընդունելի ենք համարում: Յուր «АЗЫК» հոդվածում Մաուն ասում է. «Լեզուն ստեղծվել է մարդկային կոլեկտիվի կողմից այնպես, ինչպես նրա հասարակական կեցության առաջին աստիճաններում՝ նյութական կուլտուրայի հուշարձանները, առաջին անհրաժեշտության տարիկաներն ու իրենք՝ կոլեկտիվ արտադրության տեսակները, որսը և զանազան արհեստներն ու խաղերը և ինչպես նրա գոյության հետագա աստիճաններում առանձնացած արվեստները, գեղարվեստը, էպոսը, պարը, երգը և երաժշտությունը...»<sup>1</sup> Մաուր այս դրույթը միանգամայն ճշմարիտ է. լեզուն մարդկային արտադրական հասարակության ստեղծագործությունն է, այնպիսի ստեղծագործություն, ինչպիսին Փոլկլորը: Ուստի և բառերի ծագումը, լինեն դրանք նախնական բառ-մտածություններ, թե հետագայի անկախ բառերը, պետք է դիտել իբրև կոլեկտիվ ստեղծագործության արդյունք: Բայց ի՞նչ է նշանակում այդ նշանակում է արդյոք, որ նախնական արտադրական կոլեկտիվ անդամները հավաքվել ու միասին ստեղծել են այս կամ այն բառը: Ոչ, չի նշանակում: Մարդիկ իրար հետ խորհրդակցելով չեն ստեղծագործել բառերը: Նրանք ստեղծագործել են բառերն այնպես, ինչպես ստեղծագործել և ստեղծագործում են ժողովրդական երգերը, էպոսը և այլն: Եվ որովհետև Փոլկլորի ծագման (ստեղծագործության) ու նրա հետագա զարգացման պրոցեսը դիտության մեջ միանգամայն լավ է ուսումնասիրված, ապա մենք ավելորդ չենք համարում որոշ համեմատությամբ բացատրել բառերի ստեղծագործությունը: Հայտնի է, որ յուրաքանչյուր ժողովրդական ստեղծագործությունն իր ծագմամբ կրում է անհատական բնույթ, այսինքն, ժողովրդական ստեղծագործության հեղինակը որևէ անհատն է. անշուշտ հնարավոր է, որ նույն թեման նույն կամ տարբեր ժամանակներում և կամ նույն կամ

<sup>1</sup> Н. Я. Маур, Избранные произведения, т. 2, стр. 127.

տարբեր տեղերում ստեղծագործութեան նյութ դառնա տարբեր  
անհատներէ մտտ, և այդ տարբեր անհատներն իրարից անկախ  
ստեղծագործեն այս կամ այն ժողովրդական ստեղծագործու-  
թյունը: Կարևորն այստեղ այն է, որ ժողովրդական ստեղծագոր-  
ծությունն իր սկզբնական հեղինակումով կապվում է հասարակա-  
կան անհատներէ հետ: Միայն այն բանից հետո, երբ անհատը,  
կամ անհատները, ավելի ճիշտ՝ մեկերը ստեղծագործում են, հա-  
սարակությունը յուրացնում է այդ ստեղծագործությունը, մշա-  
կում ու զարգացնում դարերի ընթացքում, դարձնում իր սեփա-  
կանը. այդ մեկերի ստեղծագործությունն անցնում է ժողովրդի  
ստեղծագործական բովով և, զրկվելով յուր նախնական ստեղծա-  
գործութեան անհատական բնույթից, դառնում է ժողովրդի ստեղ-  
ծագործությունը: Որ անհատի ստեղծագործությունը դառնում է  
ժողովրդական, մի պատահական երևույթ չէ: Հասարակութեան  
կյանքի զարգացման տվյալ էտապում այս կամ այն դեպքի, երևույ-  
թի գեղարվեստական մշակումը հանդես է գալիս որպես անհրաժեշ-  
տություն և ստեղծում է համապատասխան հասարակական տեն-  
դենց, հասարակական մտայնություն: Ստեղծված անհրաժեշտու-  
թյունն էլ հիմք է հանդիսանում այն բանի, որ ստեղծագործող մեկը  
հեղինակում է տվյալ ստեղծագործությունը: Տվյալ դեպքում անհա-  
տը հանդես է գալիս որպես հասարակական կյանքում ստեղծված  
անհրաժեշտութեան դրսևորողը, ստեղծված հասարակական պա-  
հանջմունքի բավարարողը. այսպիսով՝ նա մարմնացնում է իր  
մեջ և՛ ստեղծված անհրաժեշտությունը, և՛ տենդենցը, և՛ դրան  
գործնականում բավարարելու ստեղծագործական ձիրքը: Միայն  
այս բանի շնորհիվ է, որ անհատի ստեղծագործությունը դառ-  
նում է ժողովրդի սեփականությունը և յուր հետագա մշա-  
կումների ընթացքում միանգամայն կորցնում իր ծագման ան-  
հատական բնույթը: Ծիշտ այսպիսի պրոցես է ներկայացնում  
նաև բառերի (նախապես բառ մտածությունների) ստեղծագոր-  
ծությունը: Կոչելովի աշխատանքային պրոցեսում մարդիկ գի-  
տակցում են նորանոր հարաբերություններ, իրեր, առարկաներ  
ու երևույթներ, ոչ միայն գիտակցում, այլև ստեղծում են այդ-  
պիսիք և բնականաբար անհրաժեշտություն է ստեղծվում այդ  
նոր հարաբերությունները, իրերը, երևույթներն ու առարկաներն  
անվանելու: Ահա այս անհրաժեշտութեան արդյունքն էլ լինում

է այն, որ մեկը կամ մեկերը՝ իրարից անկախ՝ ստեղծագործում են  
տվյալ բանը, որ և նույն անհրաժեշտութեան շնորհիվ ընդուն-  
վում է կոլեկտիվի կողմից: Հնարավոր է, որ միաժամանակ մի  
քանի բաներ ստեղծագործվեն նույն առարկայի համար և կոլեկ-  
տիվը դրանցից մեկը յուրացնի, հնարավոր է նաև, որ այդ ան-  
հատական ստեղծագործութեամբ ստացված բանը հետագա մշա-  
կումների ու փոփոխումների ենթարկվի կոլեկտիվի կողմից: Կա-  
րևորն այստեղ այն է, որ բանի ստեղծագործութեանն էլ իբ-  
ժազմամբ անհատական բնույթ ունի, բայց հենց այդ դեպքում  
էլ նա արդյունք է հասարակական կյանքում ստեղծված անհրա-  
ժեշտութեան և իր հետագա դոյութեան ու դործածութեան համար  
անհրաժեշտ է, որ նա դառնա կոլեկտիվի սեփականութեանը և  
հենց դրանով իսկ դադարի իր ստեղծագործութեան պրոցեսի ան-  
հատական բնույթն ունենալուց: Վերջապես, այս նշանակում է,  
որ այստեղ էլ այդ մեկերը հանդես են գալիս իբրև հասարակա-  
կան կյանքում ստեղծված անհրաժեշտութեան կրողն ու դրսևո-  
րողը: Որ իսկապես այս ճանապարհով են բաներն ստեղծվում,  
այդ առթիվ մի հիանալի փաստ ենք գտնում Եսպերանտոյի «Լեզու»  
(Language) գրքում: Այդ գրքի 242-րդ էջում հեղինակը քաղ-  
վածորեն բերում է Փրանսիացի ճարտարապետ Վիկտոր Անոյի  
ուսումնասիրութեանից՝ վայրենիների մասին: Վիկտոր Անոն  
երկար ժամանակ ապրել է Հարավային Ամերիկայի Բոտակալոսուս  
ցեղի մոտ և ուսումնասիրել է մի քանի ցեղերի լեզուները: Նա  
պատմում է, որ այդ ցեղերի վայրենիների մեջ լինելով, ինքը  
բազմիցս նկատել է, որ երբ նրանք տեսնում են նոր առարկա,  
նրանցից մեկը հանապատրաստից մի անուն է տալիս, կարծես թե  
գտած լինելով մի հանկարծական գաղափար, մյուսներն անմի-  
ջապես կրկնում են այդ և այդպիսով բանը դառնում է ընդհա-  
նուրի սեփականութեանը: Այս նույն բանը, ինչպես պատմում է  
նա, հաճախ պատահում էր նաև այնպիսի առարկաների նկատ-  
մամբ, որոնք արդեն ծանոթ էին նրանց և անուն ունեին: Այս  
երևույթը տեղի է ունենում միշտ և ամեն տեղ, նաև ամենա-  
զարգացած լեզուներում, մեր իսկ առօրյա կյանքում, բայց մե-  
զանից ոչ ոք ուշադրութեան չի դարձնում դրան, ոչ ոք չի  
նկատում, այնքան բնական է այդ երևույթը: Գիր ունեցող լե-  
զուներում ընդհանրապես նոր արմատներ չեն ստեղծվում, բայց

չէ՞ որ ստեղծվում են բազմաթիվ նորանոր բաներ: Ովքեր են ստեղծում այդ բաները. չէ՞ որ դարձյալ անհատները՝ բանաստեղծներ, գիտնականներ, արվեստագետներ, մի խոսքով՝ դարձյալ ինչ որ մեներ: Ենթադրենք թե այս ինչ երևույթի համար անհրաժեշտ է մի բան. այս կամ այն բանաստեղծը կամ գիտնականը հորինում է այդ բանը, իսկ այնուհետև մյուսներն էլ, յուրացնելով այն, դարձնում են հասարակության սեփականությունը՝ իբրև ընդհանուրի լեզվի մի անհրաժեշտ տարր:

Սակայն մեր օրերի այս երևույթը նաև սրահական տարբերություն ունի նախնական բառաստեղծական պրոցեսի հետ: Այժմ բաները կադմվում են արդեն պատրաստի արմատներից՝ քարդության, ածանցման և այլ միջոցներով: Մինչդեռ բառաստեղծական այդ նախնական պրոցեսում ստեղծվել են արմատները: Բայց ինչպես են ստեղծվել նրանք: Արդյո՞ք այդ ստեղծագործող մեկերը իրենցից հորինել կամ ինչ որ ներշնչված ոչնչից ստեղծել են դրանք: Ի հարկե, ոչ: Վերը մենք ասել ենք արդեն, որ նախաձարդը դեռևս կենդանական վիճակից ժառանգել է որոշ միջեր, որ մարդ գառնալու պրոցեսում վերածել է բառային անվանումների: Անշուշտ դրանք եղել են սահմանափակ քանակով և, ինչպես կտեսնենք, եղել են անբաժանելի հնչյունական կոմպլեքսներ: Ահա այդ հնչյունական կոմպլեքսների, իրենց ունեցած այդ պատրաստի ատաղձի օգտագործումով, նրանց այլափոխումներով է, որ մեկերը ստեղծագործել են նորանոր հնչյունական կոմպլեքսներ, նորանոր բառաձևեր: Այս բանը նույնպես ապացուցել է սովետական լեզվաբան Մատթ՝ բառափնջերի իբ հայանի տեսությամբ, ըստ որի մի նախնական հնչյունական կոմպլեքսը ատաղձ է դառնում բազմաթիվ նորանոր բաների:

Հնչյունի և հնչալիքի ծագումը. — Այժմ մեզ հետաքրքիր է պարզել, թե ինչպես են առաջացել հնչյունները, թե արդյո՞ք լեզվաստեղծական պրոցեսում մարդիկ ինչպիսի հնչյունական համակարգ են ունեցել, արդյո՞ք նախաձարդու լեզուն էլ ունեցել է այնպիսի ճոխ հնչյունական համակարգ. ինչպիսին ունեն մեզ հայանի, նույնիսկ զարգացման ամենացածր աստիճանի վրա գտնվող, լեզուները: Այս վերջին հարցին մենք առանց երկբայության կարող ենք պատասխանել բացասաբար: Ինչ ավելին՝ լեզվաստեղծական այդ նախնական շրջանում հնչյուններ այս

քառի իսկական իմաստով չեն եղել: Պարզենք այս միտքը: Մինք  
 ասել ենք արդեն, որ կապիկներն ունեն որոշ ճիշեր: Այդ ճիշերը  
 ներկայացնում են որոշ հնչյունական խմբեր, և թեև այդ խմբերի  
 մեջ դեռևս բոլոր հնչյունները լիովին տարբերակված ու տարբո-  
 րոշված չեն, բայց և այնպես մի քանի հնչյուններ (մ, գ, խ, կ)  
 բավականաչափ նման են մարդկային հնչյուններին, ինչպես և  
 որոշ ձայնավորներ (օ, ու, ա) պարզորոշ կերպով ձևավորված են  
 արդեն: Նշանակում է արդյոք, որ կապիկների մոտ մենք գտնում  
 ենք հնչյուններ այն իմաստով, ինչ իմաստով բնորոշվում է  
 մարդկային հնչյունը: Բանն այն է, որ կապիկների այդ ճիշերը  
 կապիկների համար միանգամայն անբաժանելի են հնչյունական  
 տեսակետից. նրանք կազմում են հնչյունների այնպիսի մի ամ-  
 բողջական միասնություն, որի մեջ առանձին հնչյուններն իրա-  
 րից անկախ արտասանվել և ընկալվել կապիկ կողմից չեն կա-  
 րող: Միայն մարդն է, որ իր հնչյունական պատկերացումների  
 բազմազանության շնորհիվ կարող է տարբերակել կապիկ այդ  
 ճիշերի մեջ որոշ հնչյուններ: Նշանակում է, կապիկը թեև կա-  
 րողանում է արտասանել որոշ հնչյունական խմբեր (ճիշ-եր),  
 բայց նա չունի հնչյուններ, որովհետև առանձին հնչյունն, իբրև  
 մի ինքնուրույն միավոր, չի կարողանում արտասանել և ոք  
 դիտարկել է, չի գիտակցում. նա ունի օրինակ՝ գլսա (ողջույն  
 բարեկամներին) ճիշ-հնչյունախումբը, բայց առանձին գ կամ լս-  
 չունի, ինչպես և չունի ո՛չ ամբողջ գլսա ճիշի, ոչ էլ գ կամ լս-ի  
 գիտակցումը: Այսպիսով՝ կապիկ տարբերակված ճիշերը իրենց  
 բազմազանությամբ հանդերձ հիմնված չեն առանձին հնչյունների  
 անկախ արտասանության և, մանավանդ, գիտակցման վրա: Այդ  
 ճիշերից յուրաքանչյուրը մի ամբողջական արտասանական մի-  
 ավոր է: Հետևաբար ամենազարգացած կապիկներն անգամ չու-  
 նեն հնչյուններ:

Մարդը, մարդ դառնալու ժամանակ, ինչպես ասել ենք, ժա-  
 ոանգել է այդպիսի ունակություն. նա ևս ունեցել է ճիշ-բառեր,  
 բայց դրանք ճիշտ այնպիսի արտասանական մի միավոր են  
 կազմել, ինչպես այժմյան շիմպանզեի ճիշերը: Նախապես յուրա-  
 քանչյուր բառը հանդիսանում է մի հնչյունային բարդ կոմպլեքս,  
 արտասանական մի անբաժանելի ամբողջություն, որի մեջ եղած  
 հնչյուններն առանձին, իբրև ինքնուրույն միավորներ դեռևս

գոյությունն չունեն. այնուհետև դարգացման հաջորդ շրջանում  
բառերն արտասանական տեսակետից բաժանելի են դառնում  
իրենց վանկային հնչյունախմբով, այսինքն՝ վանկատվում են, և  
վերջապես, աստիճանաբար այդ տարրերակում — հողաբաշխումը  
հասնում է առանձին հնչյունների անջատմանը: Հնչյունները վե-  
րածվում են ինքնուրույն արտասանական միավորների, որին  
զուգընթաց էլ կատարվում է դրանց գիտակցումը: Այնուհետև  
բազմաթիվ կոնկրետ հնչյունների ընդհանուր հատկանիշների  
զուգորդությամբ մարդկային ուղեղը կատարում է արտաբանական  
վերացում և, մի կողմ թողնելով առանձին հնչյունների միջև  
եղած աննշան տարբերությունները, նրանց ընդհանրությունների  
հիմամբ ստեղծում է այդ մասնակիությունների ընդհանուր հաս-  
կացությունը որպես հնչյունական հասկացություն, որպես  
հնչույթ: Ինչպես տեսնում ենք, հնչյունների դարգացումը կա-  
տարվում է բարդ, չտարրորոշված հնչյունախմբերից (ճիչ-բառե-  
րից) դեպի վանկերն ու ապա՝ առանձին հողաբաշխ հնչյունները:  
Շատ բնական է, որ նախնական շրջանում այդ կոմպլեքս բառերը  
և հետևաբար նրանք բաղադրող հնչյունախմբերը սահմանափակ  
են եղել և աստիճանաբար ավելացել ու բազմատեսակ են դարձել:  
Իսկ այդ դարգացումը, ինչպես ճիշտ կերպով շեշտել է Մառը,  
սերտորեն կապված է մարդկային հասարակության ու մարդկա-  
յին մտածողության դարգացման հետ. նախնական շրջանում  
կոմպլեքս բառերը, որոնց մեջ առանձին հնչյունները դեռևս  
իրքև ինքնուրույն միավորներ չեն գիտակցվում, արտահայտում  
են հենց նույն շրջանի մարդու չտարրորոշված մտածողությունը:  
Հասարակական կեցության դարգացման, իսկ դրա հիմամբ, նաև  
մտածողության դարգացման զուգընթաց զարգանում են նաև  
լեզուն ու նրա հնչյունական-արտասանական կողմը, մինչև որ,  
վերջապես, ստեղծվում է հնչույթը: Հնչույթի առաջացումն էլ  
իր հերթին առաջ է բերում մի այլ երևույթ: Յուրաքանչյուր  
լեզու յուր զարգացման ընթացքում ստեղծում է իրեն հատուկ  
հնչույթները, որոնց ամբողջությունը կազմում է տվյալ լեզվի  
արտասանական բաղան, այսինքն՝ իրեն հատուկ հնչյունական  
համակարգը:

Լեզվի զարգացման տեսությունները.— Մինչև այժմ, գրեթե բոլոր հատվածներին մեջ, մենք արտահայտել ենք այն միտքը, թե լեզուն անընդհատ փոփոխվում ու զարգանում է: Այդ ի հարկե ընդհանուր առմամբ նորությունն չէ. լեզվաբանության մեջ վաղուց ընդունված է, որ լեզուն փոփոխվում է, և այդ մասին զանազան տեսություններ են առաջ քաշվել, որոնցից մի քանիսին անհրաժեշտ է ծանոթանալ:

Մինչև 19-րդ դարը, երբ դեռ լեզվաբանությունը ձևավորված չէր իբրև ինքնուրույն մի գիտություն, այլ կազմում էր բանասիրության (Ֆիլոլոգիայի) մի մասը, իշխում էր այն կարծիքը, թե լեզվի յուրաքանչյուր փոփոխություն նրա աղավաղումը, փչացումն է: Սրա համապատասխան էլ յուրաքանչյուր լեզվի պատմության մի շրջանը համարում էին դասական, կամ ինչպես կոչում էին «ոսկեդարյան» շրջան, իսկ մյուս շրջանները համարում էին ուղղակի լեզվի անկման, աղավաղման շրջաններ, համապատասխանաբար կոչելով «արծաթե դար», «երկաթե դար» և այլն: Իհարկե լեզվի պատմության նկատմամբ այդպիսի մոտեցումը հիմնովին սխալ է: Յուրաքանչյուր լեզվի պատմության մեջ նրա բոլոր փուլերը հավասար արժեք են ներկայացնում, իբրև այդ լեզվի զարգացման տարբեր աստիճաններ:

19-րդ դարի առաջին կեսում, երբ հիմնադրվեց պատմահամեմատական լեզվաբանությունը, այս տեսությունը խստորեն քննադատվեց, նոր լեզվաբանության հիմնադիրները ճիշտ կերպով ցույց տվին, որ լեզվի յուրաքանչյուր փուլը կարևոր է որպես նրա պատմական զարգացման մի հատվածը: Բայց այդ լեզվաբանները, ելնելով իդեալիստական փիլիսոփայության դիրքերից, լեզվի զարգացման շարժիչ ուժը համարեցին այսպես կոչված «ժողովրդի ոգին»: Այս տեսությունը բացի այն հիմնական սխալից, որ լեզուն կարում էր հասարակական կեցությունից, վերնաշենքը՝ բազիսից, դուռ էր բացում նաև սոսայական «տեսության» առջև, լեզուների առանձնահատկությունները կապելով ցեղի, ժողովուրդի, ազգի հատուկ «ոգու» յուրահատկությունների հետ:

19-րդ դարի կեսերին առաջ է քաշվում բիոլիոգիական, փուլ-  
գար-մատերիալիստական այն տեսությունը, թե լեզուն նույն  
օրինաչափություններով է՝ զարգանում, ինչպես բուսական ու  
կենդանական աշխարհը: Դարվի՛նի իզմը մեխանիկորեն կիրառվում  
էր լեզվի նկատմամբ, որն, իբրև թե, կենդանի օրգանիզմի նման,  
«ծնվում», «զարգանում», «ծերանում» ու «մեռնում» է: Բայց լեզ-  
վի նկատմամբ այդ տեսությունը սխալ է հենց նրանով, որ վեր-  
նաշենքային երևույթը նույնացվում է կենդանի օրգանիզմի հետ:

19-րդ դարի երկրորդ կեսում հիմնադրված հոգեբանական-  
ինդիվիդուալիզմի ուղղությունը հերքեց այդ տեսությունը և  
առաջ քաշեց այն տեսությունը, թե ընդհանրապես լեզվի զար-  
գացման ընդհանուր օրինաչափությունների մասին խոսել կա-  
րելի է: Բանի՛ որ կան միայն «անհատական լեզուներ», ուստի  
և կարելի է խոսել այդ լեզուների փոփոխությունների մասին,  
որոնք արդյունք են անհատի հոգեկան դործունեության: Այս տե-  
սությունն ավելի քան հակադիտական է հենց նրանով, որ լե-  
զուն չի գիտում իբրև հասարակական երևույթ, հետևաբար խը-  
զում է դարձյալ բազիսից, ամեն ինչ համարելով իրարից կազմ-  
ված անհատների հոգեբանության արդյունք:

19-րդ դարի վերջում առաջ քաշվեց այն տեսությունը, թե  
լեզվի մեջ փոփոխություններ մտցնողը և լեզվի զարգացման  
շարժիչ ուժը սերունդների հաջորդումն է: Իբրև թե, յուրաքան-  
չյուր սերունդ՝ չկարողանալով ճիշտ այնպես յուրացնել, ինչպես  
նախորդ սերունդը, փոխում է լեզուն: Այստեղ ևս հասարակա-  
կան կեցությունը անտես է առնվում և շեշտվում սերունդների  
գերը՝ որպես լեզուն մեքենայաբար փոփոխողների, մի բան, որ  
հիմնովին սխալ է:

Վերջապես բուրժուական նորագույն լեզվաբանությունը  
փորձում է գտնել լեզվի զարգացման որոշ ընդհանուր օրինաչա-  
փություններ: Օրինակ, նորագույն ուսումնասիրություններում  
շեշտվում է, որ լեզվի զարգացումը կապված է նրա կառուցվածքի  
փոփոխության հետ, ասե՛նք, համադրականից վերլուծականին  
անցնելով կամ հակառակը: Առաջ է քաշվում նաև այն տեսու-  
թյունը, որ լեզուների զարգացումը գնում է կոնկրետից դեպի  
ընդհանուր վերացականը: Այստեղ, ի հարկե, որոշ ճշմարտու-  
թյուն կա, բայց դա միայն մի կողմն է: Լեզուների պատմու-

Թյունը ցույց է տալիս, որ ճիշտ նույն ձևով տեղի է ունենում զարգացումը վերացական-ընդհանուրից՝ դեպի կոնկրետ-մասնավորը: Իրա լավագույն ապացույցն են հանդիսանում ճոխապես զարգացած և օբյեկտը զարգացող մասնագիտական լեզուները, թեև իհարկե, այս կոնկրետությունը որակապես տարբեր է նախնական շրջանի կոնկրետությունից:

Այս բոլոր տեսությունները ձախողման են դատապարտված հենց այն հիմնական պատճառով, որ լեզուն դիտում են հասարակական կեցության զարգացումից անկախ: Մինչդեռ լեզվի զարգացումը կարելի է լուսարանել այն ժամանակ միայն, երբ նա դիտվում է հասարակության զարգացման հետ ունեցած անխզելի կապի մեջ: Մակայն, նախքան լեզվի զարգացման տարբեր փուլերի մասին խոսելը, տեսնենք, թե ինչ օրենքներով է փոփոխվում ու զարգանում լեզուն:

Համաբանություն և ընդհանրացում. քանակ և որակ.— Լեզվաբանության մեջ վաղուց արդեն ընդունված է համաբանության (անալոգիայի) դերը լեզվի զարգացման, հատկապես հնչյունափոխության մեջ: Անհրաժեշտ է ավելացնել միայն, որ այդ վերաբերում է ոչ միայն հնչյունափոխությանը, այլև լեզվի բոլոր կողմերին և որ համաբանությունը հանդիսանում է լեզվի մեջ ոչ միայն կանոնավորող ու կարգավորող, այլև քայքայող, կործանող ու ստեղծագործող երևույթ: Յուրաքանչյուր լեզվի յուրաքանչյուր փուլում կարելի է տեսնել այդ: Վերցնենք օրինակներ այժմյան հայերենից. հայտնի է, որ ի-ով վերջացող գոյականները, իբրև ընդհանուր կանոն, ենթարկվում են ու հոլովման, ինչպես՝ գինի—գինու, այգի—այգու և այլն: Բայց քանի որ ժամանակակից հայերենում ամենից ավելի տարածված է ի հոլովումը, ուստի և համաբանությամբ այդ բառերն էլ երբեմն, հատկապես խոսակցության մեջ, ենթարկվում են ի հոլովման, (այգիի, գինիի), մանավանդ հատուկ անունները (Ռաֆֆիի, Գորկիի, Թբիլիսիի): Կամ՝ աճյան հոլովման բառերը եզակի գործիականում, ըստ օրենքի, պետք է ունենան ամբ-յամբ ձևը (շարժամբ, արյամբ), բայց այժմ շատ հաճախ դրականության մեջ էլ ունենում են ով վերջավորությունը (շարժումով, արյունով և այլն): Այդպիսի բազմաթիվ օրինակներ կարելի է բերել նաև բայերի խոնարհումներից, երբ մի խոնարհման բայն սկզ-

առւմ է խոնարհվել մի ուրիշ խոնարհումով (օր. ասացի-ասեցի-  
ասի, բերի-բերեցի, նստավ-նստեցի և այլն): Ինչո՞ւ է այդպէս  
կատարւում, ինչո՞ւ, օրինակ, գործիականի-ով վերջավորություն-  
ներն է տարածւում, և ոչ՝ անը: Այն պատճառով, որ մեր լեզվի առ-  
վյալ փուլում-ով վերջավորությունը ավելի կենսունակ է, քան  
որևէ մեկ ուրիշը: Իսկ լեզվի մեջ որևէ երևույթի կենսունակու-  
թյունը պայմանավորված է հիմնականում երեք բանով. որքանով  
նա շատ է տարածված, որքանով ուժեղ է նրա գիտակցումը խո-  
սող հանրութեան մեջ և որքանով է ընդունված հանրութեան  
մեծամասնութեան կողմից: Այս երեք կողմերով եթե քննենք  
գործիական հոլովի տարբեր վերջավորությունները, կտեսնենք,  
որ առավել, կամ գուցե միակ, կենսունակը-ով ժամանակն է, որով-  
հետև նրանով է կազմվում ժամանակակից հայերենի գոյական-  
ների եզակի գործիականը (բոլոր հոլովումները, բացի-ան,յան հո-  
լովումից), իսկ հոգնակի գործիականը՝ բացառապէս նրանով է  
կազմվում: Եվ, ահա, հենց այն պատճառով, որ նա առավել կեն-  
սունակ է, համարանութեամբ տարածվում է նաև այնպիսի բա-  
ռերի վրա, որոնք, ըստ օրինի, չպիտի ենթարկվին դրան: Ու-  
րեմն համարանութեան շնորհիվ կարող են տարածվել այն երե-  
վույթները միայն, որոնք լեզվի ավյալ փուլում առավել կենսու-  
նակ են: Բայց միայն այդքանը դեռ բավական չէ. ինչպէս տե-  
սանք, -ով ժամանակը միանգամայն կենսունակ է և համարանու-  
թեամբ տարածվում է նաև-ան,յան, հոլովման բառերի վրա.  
Բայց կարող ենք այսօր արդեն ասել, թե այդ հոլովումների գոր-  
ծիականը ստանում է-ով վերջավորությունը. ո՛չ: Բանն այն է,  
որ այսօր արյամբ և արյունով, շարժման և շարժումով ձևերը դեռ-  
ևս համագոյակից են. դեռևս նրանցից մեզը մյուսին դուրս չի  
մղել լեզվից: Իսկ այդ տեղի է ունենում համեմատաբար երկար  
ժամանակի ընթացքում, երբ ավյալ նոր ձևը տարածվում, ընդ-  
հանրացում է ստանում: Այդ՝ շարժումով, արյունով ձևերը դեռ-  
ևս ընդհանուր չեն նախ այն պատճառով, որ դրանց զուգընթաց  
թեև ավելի սակավ, գործածվում են նաև արյամբ, շարժմամբ  
ձևերը. մյուս կողմից դրանց զուգընթաց ունենք քաղութային,  
մեծութային, վեհութային և այլ բազմաթիվ բառերի այս ձևերը,  
որոնք առայժմ ավելի հաճախ են գործածվում, քան քաղութային-  
ում, մեծութայինով և այլն: Նշանակում է, այստեղ ևս անհրա-

ժեշտ է նոր ձևի առավել հաճախ գործածումը, այսինքն՝ հետե-  
վողականություն, և նրան ենթարկվող օրինակների թվական գե-  
րազանցություն: Այդ փոփոխությունը կդառնա ընդհանուր մե-  
այն այն ժամանակ, երբ-ան, -յան հոլովման բառերի գործիակա-  
նը առավել հաճախացող գործածությամբ կընդգրկի այդ հոլով-  
ման բառերի մեծագույն մասը: Բայց այդ նշանակում է նաև մի  
առիչք բան. համարանության շնորհիվ աստիճանաբար տարած-  
վելով և ստանալով քանակական գերակշռություն նախկին օրեն-  
քի նկատմամբ՝ նոր երևույթը հանդես է գալիս իբրև օրինաչա-  
փություն՝ բռնելով հնի տեղը, վերացնելով հինը, այսինքն տե-  
ղի է ունենում բացասման բացասումը: Այսպիսով լեզվին նույն-  
պես հատուկ են դիալեկտիկայի երկու հիմնական օրենքները՝ Բա-  
նակի փոխանցումը որակի և, եկնց դրան ընթացակից՝ բացասման  
բացասումը: Իսկ այս էլ իբր հերթին նշանակում է, որ քանակա-  
կան աննկատելի փոփոխությունները կուտակվելով անաջ են  
բերում լեզվի մեջ որակական փոփոխություններ, որոնք հանդի-  
սանում են թռիչքային մոմենտների, լեզվի պատմության մեջ,  
որոնք անաջ են բերում անբողջ հեղաշրջումներ լեզվի մեջ: Հե-  
տևաբար լեզվին հատուկ է թե՛ հիփոցիան, և թե՛ ուելուցիան.  
e . . . Դիալեկտիկան դարձացրան պրոցեսը դիտում է ոչ թե  
որպես աճման հասարակ պրոցես, որտեղ քանակական փոփո-  
խությունները չեն աճում դեպի որակական փոփոխություններ,  
— այլ որպես այնպիսի դարգացում, որն աննշան և ծածուկ քա-  
նակական փոփոխություններից անցնում է բացարձակ փոփո-  
խությունների, արժատական փոփոխությունների, որակական  
փոփոխությունների, որտեղ որակական փոփոխությունները  
կատարվում են ոչ թե աստիճանաբար, այլ արագ, հան-  
կարձ, մի վիճակից մյուս վիճակին թռիչքային անցման ձևով  
կատարվում են ոչ թե պատահաբար, այլ օրինաչափ կերպով,  
կատարվում են աննկատելի և աստիճանական քանակական փո-  
փոխությունների հետևանքով<sup>1</sup>:

Ինչ վերաբերում է այն հարցին, թե ինչու լեզվի մեջ  
ավյալ ժամանակում այս փոփոխությունն է առաջանում և ոչ  
մեկ ուրիշը, ապա դրա հիմնական պատճառն ավանդուքյան և ավան-

<sup>1</sup> ՀամԿ (բ) 9 Պատմություն, Երևան, 1938, էջ 143:

գախախտության պայքարն է, որ տալ է քաշել և փայլուն կերպով բնութագրել Գուրգեն Սեվակը: Ավանդությունը լեզվի տվյալ մոմենտում ունեցած ընդհանուր համակարգն է, որ պարտադիր է տվյալ լեզվական հանրության բոլոր անդամներին: Բայց այդ «պարտադիրը» ունի նաև պայմանականություն. յուրաքանչյուր անհատ, որպես հասարակական մարդ, ընդունում է այն, ինչ նրան թելադրում է ավանդույունը, բայց ընդունում է այն ակտիվ կերպով, ընդունում է ներգործելով, իր լուսան մտցնելով այն բոլորի մեջ, ինչ որ ընդունում է նա ավանդույունից:

«Ավանդության թելադրած ընդհանուր ազգային լեզուն բեկվում, կոնկրետանում, անհատականանում է առանձին անհատների մոտ՝ վերջիններիս, գլխավորաբար և հիմնականում, դասակարգային գոյի և առաջ երկրորդական զանազան գործոնների (ընդհանուր զարգացում, միջավայր, արտաբերական գործարանների վիճակ և այլն) բովի միջից անցնելով:

«Այսպիսով տեղի է ունենում ավանդախախտում ավանդության ընդունման իսկ պրոցեսում... Ավանդափոխությունը... վերաբերում է լեզվի թե՛ բովանդակությանը, և թե՛ ձևին, ըստ որում բովանդակության բնագավառում տեղի ունեցող ավանդախախտումը պայմանավորված է անհատի գերազանցապես հասարակական գոյով, արտացոլում է այդ գոյը»:<sup>1</sup> Ահա հենց այդ գոյի շնորհիվ կատարվող լեզվի զարգացումը ճիշտ ըմբռնելու համար անհրաժեշտ է, որ լեզվի յուրաքանչյուր փուլը գիտենք հասարակական գոյի համապատասխան փուլի՝ հասարակական համապատասխան ֆորմացիայի հետ ունեցած անխզելի կապի մեջ:

Լեզուն ցեղային հասարակության մեջ. — Մարդկային հասարակության առաջին ֆորմացիան նախնական կոմունիզմն է, նախնական անդասակարգ հասարակությունը: Բնականաբար այդ շրջանում լեզուն էլ դասակարգայնորեն տարբերակված չի եղել, բայց զրա փոխարեն եղել են այլ կարգի տարբերակումներ, որոնք այդ շրջանի հասարակական գոյի և հասարակական գիտակցության արտահայտությունն են հանդիսացել: Այսպես, օրինակ, այդ շրջանի

<sup>1</sup> Գ. Սեվակ, Ժամանակակից հայոց լեզվի տեսություն, Արևան, 1939 թ., էջ 32—33:

մարդու գիտակցութեանը հատուկ են մոգական, միաստիկական ու դի-  
 ցարանական պատկերացումները. չկարողանալով ճշտորեն ըմբռնել  
 ու գիտակցել բնութեան և հասարակական կեցութեան երևույթնե-  
 րը, արտակարգ նշանակութեան են տվել մարդու հասակին և մի  
 հասակից մյուսին անցնելը նույնիսկ տոնել են որոշ ծիսակատա-  
 րութեաններով: Այդ բանը լեզվի մեջ արտահայտվել է այսպես  
 կոչված հասակային տարբերակումով, այսինքն՝ որոշ հասակի  
 մարդիկ ունեցել են լեզվի (բառապաշարի և այլն) որոշ առանձ-  
 նահատկութեաններ, այլ հասակի մարդիկ՝ ուրիշ առանձնահատ-  
 կութեաններ, ինչպես որ կյանքում էլ այս որոշ հասակի մարդ-  
 կանց թույլատրված էին որոշ բաներ, իսկ այլ հասակի մարդ-  
 կանց՝ ոչ: Այդ բանը վերապրուկների ձևով պահպանված է բազ-  
 մաթիվ լեզուներում: Այսպիսի տարբերակում եղել է նաև տղա-  
 մարդկանց ու կանանց լեզուներում, որ նույնպես վերապրուկա-  
 յին ձևով պահպանվել է շատ լեզուներում: Այդ վերապրուկների  
 ուսումնասիրութեանն ու հայտարարումը բազմաթիվ, նույնիսկ  
 զարգացման բարձր աստիճանի վրա գտնվող լեզուներում ցույց  
 է տալիս, որ լեզվաստեղծական պրոցեսում և լեզվի զարգացման  
 նախնական փուլում այդ երևույթն ընդհանուր է եղել բոլոր  
 լեզուներին:

Հետագա զարգացմամբ նախնական մարդկային հորդաներից  
 հետզհետե առաջանում են ցեղերն ու տոհմերը: Յեղային շրջա-  
 նում լեզվի զարգացման միասնական պրոցեսն ավելի քան ակն-  
 բախ է դառնում. ըստ որում այստեղ մենք հանդիպում ենք  
 երկու հակադիր պրոցեսների. մի կողմից ցեղերը բազմանելով  
 բաժանվում և առաջ են բերում նորանոր ցեղեր, որոնք հետ-  
 զհետե բոլորովին առանձնանում, օտարանում են իրենց երբեմնի  
 արենակից ցեղերից և այս շրջանում իհարկե նրանց լեզուն էլ  
 աստիճանաբար տարբերակվում է, վերածվում է նախ բարբառ-  
 ների, ապա, առանձին լեզուների. «Հյուսիս-ամերիկյան հնդկացի-  
 ների մեջ մենք տեսնում ենք, թե ինչպես ցեղերը բաժանվելով,  
 ժողովուրդների, ցեղերի ամբողջ խմբեր են դառնում, լեզուները  
 փոխվում են, մինչև որ նրանք էլ միմյանց համար անհասկա-  
 նալի են դառնում, այլևս անհետանում է նրանց սկզբնական

միութեան համարյա ամեն մի հետք»<sup>1</sup> Մյուս կողմից, հետագայում այդ բաժան-բաժան եղած ցեղերը վերստին համախմբվում են ցեղային միությունների մեջ, և համապատասխան կերպով նրանց լեզուներն էլ աստիճանաբար խաչավորվում են՝ առաջ բերելով բազմաթիվ ընդհանրություններ: «Որոշ վայրերում ազգակից ցեղերը, հաղթահարելով բաժան-բաժան եղած վիճակը կրկին միանում և տեական դաշինք են կապում և դրանով առաջին քայլն անում դեպի ազգությունների կազմությունը: Միացյալ նահանգներում այդպիսի միութեան ամենազարգացած ձևը մենք գտնում ենք իրոկեզների մեջ: ...Այդ միութեան հիմնական սկզբունքները հետևյալներն են. 1) Հինգ արենակից ցեղերի հավիտենական միություն՝ լիակատար հավասարութեան և անկախութեան հիման վրա բոլոր ներքին գործերի վերաբերմամբ: ... Նրանց ընդհանուր ծագման արտահայտութեանն ու ապացույցը նրանց լեզուն էր, որ միայն բարբառներով էր տարբերվում իրարից»<sup>2</sup> Նույն երևույթը տեսնում ենք հին հույների մոտ, սլավոնների մոտ և այլուր՝ տոհմային կազմակերպութեան շրջանում: Նշանակում է՝ այս երևույթը՝ բաժանում և խաչավորում ու ձուլում, նույնպես ընդհանուր, միասնական է լեզվի զարգացման պրոցեսում՝ բոլոր լեզուների համար:

Լեզուն անտիկ հասարակության մեջ.—Լեզվի զարգացման ձևերը՝ որպես միասնական պրոցեսի դրսևորումներ, է՛լ ավելի ակնբախ կերպով ներկայանում են մեզ անտիկ աշխարհի ստրկատիրական հասարակութեան մեջ: Առաջին մեծ հեղաշրջումը լեզվի մեջ, որ կատարվում է նախնադարյան անդասակարգ հասարակութեանից ստրկատիրական հասարակարգին անցնելով, լեզվի երկփեղկումը, տարբերակումն է դասակարգայնորեն: Ստրկատիրական հասարակութեան լեզուն յուր բովանդակութեամբ ու ձևով արտահայտում է ստրկատիրերի ու ստրուկների հարաբերությունը: Իրանց զուգընթաց առաջ է գալիս բազմաթիվ ցեղային ու տոհմային լեզուների աստիճանական ձուլում և ընդհանուր, միջտոհմային լեզվի առաջացումը, որ արդյունք է ստրկատիրական պետականութեան ստեղծման: Այսպես, օրինակ,

<sup>1</sup> Ֆ. Է. Կ. Ե. Լ. Ս., Ընտանիքի, մասնավոր սեփականութեան և պետութեան ծագումը, Երևան, 1932, էջ 11:

<sup>2</sup> Անդ, էջ 109—110:

Հունաստանում զանազան տոհմերի նախնական միութեանը հա-  
ջորդում է ստրկատիրական կենտրոնական իշխանութիւնը, որ  
ավելի քան ուժեղացնում է այդ տոհմերի խառնվելն ու ձուլումը՝  
Համապատասխան կերպով էլ ստեղծվում է ստրկատիրական հա-  
սարակարգի ընդհանուր լեզուն. զանազան ցեղային ու տոհմային  
լեզուների ու բարբառների խաչավորմամբ զարգանում է միջ-  
տոհմային կոյնե լեզուն, որ դառնում է ընդհանուր պետական,  
կուլտուրայի ու գրականութեան լեզու. հունական պետականու-  
թեան մեջ միավորված ամբողջ տերիտորիայում: Այդ նույն երե-  
վույթը տեղի է ունեցել նաև Հռոմի կայսրութեան շրջանում,  
որտեղ ընդհանուր պետական ու կուլտուրայի լեզուն դարձավ  
լատիներենը, նույնը կատարվել է նաև Հին Հնդկաստանում, ուր  
այդպիսի լեզու է դարձել սանսկրիտը:

Սակայն ստրկատիրական հասարակարգի այդ ընդհանուր  
լեզուն դեռևս կատարելապես ընդհանուր չէ. նա ասպարեզից  
դուրս է մղում ցեղային լեզուներն ու բարբառները: Բայց դեռևս  
լիովին ձուլել իրեն, վերացնել նրանց՝ չի կարողանում: Այսպես  
օրինակ, կոյնեն դարձավ ընդհանուր պետական լեզու և հետ մղեց  
հունական բարբառները, բայց նրանք դեռևս չվերացան. ավե-  
լին, նոր հունարեն բարբառների մեջ կարելի է գտնել այդ հին  
բարբառների (օր. դորիական) բազմաթիվ հետքերը: Այդպես էլ  
լատիներենը չկարողացավ վերացնել ցեղային լեզուներն ու բար-  
բառները, և Հռոմի կայսրութեան կործանումից հետո այդ ցե-  
ղային լեզուների հիմամբ ու ժողովրդական լատիներենի ուժեղ  
ազդեցութեամբ զարգացան ռոմանական լեզուները: Այս երևույ-  
թը նույնպես ընդհանուր է բոլոր լեզուների համար. միայն թե  
ամեն մի կոնկրետ դեպքում պետք է գտնել դրա պատմահասա-  
րակական արժատները:

Լեզուն ֆեոդալական [հասարակութեան մեջ. — Ֆեոդալական  
հասարակարգում ինչպես ինքը հասարակութիւնը, այնպես էլ  
լեզուն շարունակում է դասակարգայնորեն երկատված մնալ.  
բայց եթե նախորդ աստիճանում նա այդ երկատվածութեամբ  
արտահայտում էր ստրկատիրական հասարակարգի հարաբերու-  
թիւնը, ապա այս աստիճանի վրա նա արտահայտում է ֆեո-  
դալական հասարակարգի՝ ֆեոդալների ու ճորտ գյուղացիութեան  
հարաբերութիւնները: Ֆեոդալիզմի շրջանում լեզվի զարգացման

մեջ նկատվում են երկու հակադարձ երևույթներ, որոնք արդյունք են ֆեոդալական պետական կառուցվածքի:

Կազմավորված ֆեոդալական կենտրոնական իշխանությունը պահպանում է ընդհանուր լեզուն յուր տիրապետության սահմաններում, իբրև այդ պետութայն տարբեր մասերի՝ իշխանությունների, կուսակալությունների ընդհանուր հաղորդակցման միջոց, իբրև այդ բոլորն իրար կապող օղակ:

Սակայն ֆեոդալական հասարակութայնը հատուկ է պետական, քաղաքական ու տերիտորիալ կարտվածությունը: Նախկին ստրկատիրական հասարակարգի ավերակների վրա բարձրանում են բազմաթիվ մանր ու մեծ իշխանություններ, կուսակալություններ, բզեշտություններ, որոնք վասսալական կախման մեջ են կենտրոնական իշխանությունից, բայց և՛ աչքի են ընկնում իրենց կենտրոնախույս, ինքնուրույնության ձգտող քաղաքականությամբ: Այդ բանն ուժեղ կերպով արտահայտվում է նաև լեզվի զարգացման մեջ. ընդհանուր պետական լեզվի կողքին ազատորեն զարգանում են տեղական բարբառները, որոնք, եթե քաղաքական հանդամանքները նպաստավոր են լինում, հաճախ այնքան են հեռանում ու տարբերակվում իրարից, որ վերածվում են նույնիսկ ինքնուրույն լեզուների: Նպաստավոր հանդամանք ասելով հասկանում ենք այն, որ տեղական իշխանը, կենտրոնական իշխանության վասսալը, ձեռք է բերում անկախություն, որ և նպաստում է տեղական բարբառի ինքնուրույն, անկախ զարգացմանը: Այդպիսի երևույթ կարելի է տեսնել ամեն տեղ: Հռոմեական կայսրութայն ավերակների վրա բարձրանում են դերմանական ցեղերի բարբարոսական թագավորությունները, որոնցից յուրաքանչյուրը շարունակում է ազատորեն զարգացնել իր բարբառը: Վաղ միջնադարին հատուկ են տեղային բարբառների բազմազանությունն ու դրանց զարգացումը: Այսպիսով՝ ֆեոդալական հասարակութայն մեջ ուժեղանում է լեզվի տարբերակումը և՛ դասակարգայնորեն, և՛ տեղայնորեն: Այդ նույն բանը կարելի է դիտել նաև Հայաստանում, ուր ընդհանուր գրաբար լեզվի կողքին գոյություն ունեն դեռևս բազմաթիվ ցեղային լեզուներն ու տեղական խոսվածքները: Հետագայում, ֆեոդալական հասարակարգի թուլացման, ֆեոդալական կենտրոնական իշխանութայն անկման զուգընթաց ազատորեն

զարգանում են տեղային բարբառները և միջնադարում մենք  
արդեն գրանդանության մեջ որոշակիորեն տեսնում ենք տարբեր  
բարբառների գոյությունը:

Մյուս կողմից պետք է ուշադրության առնել Ֆետալական  
հասարակարգի գրական լեզվի առանձնահատկությունը: Նախ՝  
գրական լեզուն, ինչպես և ինքը գրականությունը, մատչելի չէ  
գեղջուկ մասսաներին: Հենց գրա շնորհիվ էլ շատ շուտով նրա  
և ժողովրդական խոսակցական լեզվի միջև ստեղծվում է ան-  
անցանելի անջրպետ: Իրա հետևանքը լինում է այն, որ գրական  
լեզուն դադարում է խոսակցական լինելուց, դառնում է մեռած,  
այսպես կոչված միայն գրոց (գրականության) լեզու, որ և իրենց  
սեփական են դարձնում Ֆետալներն ու կղերականները: Այդպես  
է ընթացել գրաբարի դարգացումը: Նկատելի է նաև այն երե-  
վույթը, որ Ֆետալական թագավորությունները կարող են իբրև  
գրական լեզու յուրացնել մի բոլորովին ուրիշ, բայց կուլտու-  
րայես և քաղաքականապես մեծ դեր խաղացած կամ խաղացող  
ժողովրդի գրական լեզու: Այսպես էր, օրինակ, Եվրոպայում, ուր  
լատիներենը գրական լեզու էր դարձել Ֆետալիզմի շրջա-  
նում բազմաթիվ թագավորությունների համար, Միջնադարյան  
Ռուսաստանում՝ հին սլավոներենը, որ հիմնված էր բուլղարական  
բարբառներից մեկի վրա, միջնադարի մահմեդական արևելքում՝  
արաբերենը, ապա՝ պարսկերենը և այլն:

Վերջապես, հենց Ֆետալական հասարակության ներսում  
զարգանում է մի նոր ուժ՝ առևտրական կապիտալիզմը: Քաղաք-  
ների զարգացմամբ և առևտրի ավելի ու ավելի աճմամբ խոր-  
տակվում են իրարից կտրված իշխանությունների, կուսակա-  
լությունների ու լեզվախոսությունների միջև եղած մեկուսիչ պատ-  
վարները: Առևտրական հարաբերությունների զարգացման շնոր-  
հիվ էլ ավելի զարգանում են քաղաքները՝ դառնալով տնտեսա-  
կան, քաղաքական և կուլտուրական կյանքի կենտրոններ, զար-  
գանում են քաղաքի ու գյուղի և առանձին վասսալությունների  
միջև ամենօրյա տնտեսական ու քաղաքական հարաբերություն-  
ները և այդ շփման հետևանքով տարբեր տեղային բարբառների  
միջև դանդաղորեն, բայց հաստատապես ստեղծվում են որոշ  
ընդհանրություններ, հետզհետե հիմք հանդիսանալով մի նոր  
ընդհանուր լեզվի առաջացման:

Լեզուն կապիտալիստական հույարակութեան մեջ. ազգային լեզուների առաջացումը. գրական լեզու և բարբառներ. — Առևտրական կապիտալի զարգացման հետևանքով, տնտեսական կյանքում արդեն իսկ մեծ դեր խաղացող նոր դասակարգը՝ բուրժուազիան, ազգային-ազատագրական շարժումների միջոցով վերջապես հասնում է լիակատար հաղթանակի՝ ֆեոդալիզմի նկատմամբ: Բուրժուական հասարակարգի հաղթանակը նշանավորվում է մարդկային հանրութեան մի նոր ձևի՝ ազգի կազմավորմամբ: Բնականաբար հասարակութեան կյանքում եղած նոր հարաբերութեան հերթը նոր բովանդակութեան են տալիս նաև լեզվին, ինչպես և՛ նոր կարգի տարբերակման հնթարկում լեզուն: Կապիտալիզմի դարաշրջանի լեզուն արտահայտում է կապիտալիստական հասարակարգին հատուկ հարաբերութեանները: Լեզուն կապիտալիստական հասարակութեան մեջ ստանում է ընդհանուր ազգային բնույթ. յուրաքանչյուր ազգի կազմավորման հետ կազմավորվում է նաև նրա ազգային լեզուն, որ հանդես է գալիս իբրև ազգի ընդհանուր ու միասնական լեզու: Որպես այդպիսին նա մի կողմից հարկադրվում է նախորդող շրջանի տոհմական ու ցեղային լեզուներին, մյուս կողմից՝ յուր ներսում եղած բարբառներին, որոնք աստիճանաբար միասնութեան են կազմում նրա հետ ու դառնում նրա՝ որպես ընդհանուրի՝ մասնավորները, այդպիսով իսկ պահպանելով իրենց գոյութեանը: Ազգային լեզուն դասակարգայնորեն տարբերակված է հասարակութեան համապատասխան: Լինելով միասնական իր ձևով, քերականութեամբ և նույնիսկ բառապաշարի մեծ մասով, նա տարբերակված է ըստ բովանդակութեան. այլ բովանդակութեան ունի բուրժուական դասակարգի լեզուն, այլ բովանդակութեան՝ պրոլետարիատի լեզուն, այլ բովանդակութեան՝ մանր բուրժուազիայի լեզուն: Ահա թե ինչու Մարքսն ու Էնգելսն ասում են, «Բուրժուազիան կարող է առանց դժվարութեան իր լեզվի հիման վրա ապացուցել տուր և առի (մերկանտիլ) և անհատական, կամ նույնիսկ հանրամարդկային, հարաբերութեաններին նույնութեանը, քանի որ այդ լեզուն ինքը բուրժուազիայի արտադրանքն է և դրա համար էլ, ինչպես իրականութեան, այնպես էլ լեզվի

մեջ տուր և առի հարաբերությունները մյուս բոլոր հարաբե-  
րությունների հիմքն են դարձելը.<sup>1</sup>

Ազգային լեզուների կազմավորումն, իբրև մի պատմական  
պրոցես, տարբեր ընթացքով ու տարբեր ձևով է կատարվում:  
Իսկ պայմանավորված է իր իսկ՝ ազգի կազմավորման պրոցեսով:  
Մարքսն ազգային լեզուների կազմավորման երեք ուղի է նշում.  
պատրաստի նյութի զարգացում, լեզուների խաչավորում ու խառ-  
նում, բարբառների համակենտրոնացում. «Ժամանակակից դար-  
գացած յուրաքանչյուր լեզվի մեջ նախնական, տարերայնորեն  
առաջ եկած լեզուն բարձրացել է մինչև ազգային լեզվի աստի-  
ճանը, մասամբ շնորհիվ լեզվի պատմական դարգացման՝ պատ-  
րաստի նյութից, ինչպես այդ տեսնում ենք ուսմանական ու գեր-  
մանական լեզուների մեջ, մասամբ շնորհիվ ազգերի խաչավոր-  
ման ու խառնման, ինչպես անգլերեն լեզվի մեջ, մասամբ շնոր-  
հիվ բարբառների համակենտրոնացման ի միասնական ազգային  
լեզու՝ տնտեսական և քաղաքական համակենտրոնացման հետե-  
վանքով».<sup>1</sup>

Կապիտալիստական հասարակարգի գրական լեզուն է լի-  
նում սովորաբար ազգային լեզուն, որը տիրապետող դասակար-  
գերի ձեռքում դառնում է իր իսկ տիրապետությունը պահպա-  
նելու լծակներից մեկը: Բուրժուազիան ձգտում է յուր սեփա-  
կանությունը դարձնել ազգային գրական լեզուն: Իրան հակառակ՝  
շահագործվող դասակարգերի ձեռքում լեզուն դառնում է պայ-  
քարի գենք: Նրանք էլ իրենց հերթին պայքարում են հանուն  
հանրամատչելի գրական լեզվի: Սրա արդյունքը հաճախ այն է  
լինում, որ գրական աստիճանին են սկսում բարձրանալ առան-  
ձին բարբառները: Սրա լավագույն օրինակը տալիս է նախա-  
ռևոլյուցիոն շրջանի հայ գրական լեզուն. ազգային գրական լեզ-  
վի կողքին մի կողմից ստեղծվում է գյուղագրության լեզու,  
մյուս կողմից՝ գրականություն է ստեղծվում առանձին բար-  
բառներով (Թբիլիսիի, Ղարաբաղի և այլն):

Վերջապես կապիտալիստական հասարակարգում է սկսվում  
մասնագիտական լեզուների ուժեղ դարգացումը, ինչպես և այս-

<sup>1</sup> К. Маркс и Ф. Энгельс, Немецкая идеология, стр. 200.

<sup>2</sup> Архив, т. IV, стр. 490.

պես կոչված պայմանական լեզուների կամ ծածկալեզուների զարգացումը. դրանք թեև կարող են գոյություն ունենալ նաև ֆեոդալիզմի օրոք, բայց բուրժուական հասարակարգում ստանում են սոցիալական յուրահատուկ բովանդակություն: Ծածկալեզու են ունենում այն հասարակական խմբավորումները, որոնք ձգտում են հասարակությունից առանձնանալու, մեկուսանալու, այսինքն գերադասեցապես՝ ապադասակարգայնացած խմբավորումները (օրինակ՝ գողերի լեզուն):

Ազգային փոքրամասնությունների և գաղութային ժողովուրդների լեզուները կապիտալիստական հասարակարգում. — Մինչև այժմ մենք խոսեցինք կապիտալիստական հասարակարգի ազգային լեզվի մասին՝ ցույց տալով նրա ներքին հակասությունները: Բայց կապիտալիստական հասարակարգում խիստ հակասություններ են ստեղծվում նաև դանազան ազգային լեզուների միջև: Կապիտալիստական գաղութակալական քաղաքականությունը բերում է բաղմաթիվ ազգերի ու ժողովուրդների ստրկացում՝ տնտեսական, քաղաքական ու ռազմական տեսակետից մի քանի հզոր ազգերի կողմից: Այդ բանը լեզվի մեջ արտահայտվում է նրանով, որ տիրապետող ազգի լեզուն նեղում է տիրվող ազգերի լեզուներին: Այդ հատկապես կատարվում է պետական լեզվի միջոցով: Բուրժուական հասարակարգում մի պետության հպատակեցված բաղմաթիվ ազգերի ու ցեղերի համար պետական լեզու է հանդիսանում նվաճող ազգի պետական-ազգային լեզուն, որ և աստիճանաբար ասպարեզից դուրս է մղում նվաճված ազգերի ազգային կամ ցեղային լեզուները:

Բուրժուական հասարակարգում նվաճված ազգերի ու ցեղերի՝ ազգային փոքրամասնությունների լեզուների գոյության երկու հիմնական ձև է նշվում: Առաջինն է այն, երբ համեմատաբար փոքր թիվ կազմող ազգային փոքրամասնությունը կուլտուրապես էլ ցածր լինելով, աստիճանաբար յուրացնում է տիրող լեզուն: Իրա հետևանքով այդպիսի ազգային փոքրամասնության լեզուն աստիճանաբար իջնում է միայն խոսակցական բարբառի աստիճանին և գնում դեպի լրակատար մահացում: Այդպիսի վիճակում է գտնվում բրեստներենը՝ Ֆրանսիայում:

Երկրորդն այն է, որ նվաճված ազգային փոքրամասնությունը գտնվում է տնտեսական և կուլտուրական զարգացման

բարձր մակարդակի վրա, թվական տեսակետից նույնպես ան-  
նշան չէ և յուրացնելով տիրողի լեզուն, պահպանում է նաև  
իրենը: Այս դեպքում էլ, իհարկե, նա զրկված է զարգացման  
ազատ հնարավորությունից և դիմադրության շնորհիվ միայն  
պահպանում է իր գոյությունը: Այդ վիճակի մեջ էին հայերենը,  
վրացերենը, ուկրաիներենը և բազմաթիվ այլ լեզուների ցարա-  
կան Ռուսաստանի տիրապետության տակ:

Բուն գաղութային երկրներում նույնպես լեզուների ճշնշ-  
վածության երկու ձև ենք նկատում: Մի դեպքում, երբ գաղու-  
թային ժողովուրդը գտնվում է տնտեսական ու կուլտուրական  
զարգացման բարձր աստիճանի վրա, գաղութացման հետևանքով  
էլ ավելի զարգանալով և կազմավորվելով իբրև ազգ, ստեղծում  
է յուր ազգային լեզուն: Այդպես է Հնդկաստանում: Մյուս դեպ-  
քում, երբ գաղութային ժողովուրդը ցածր մակարդակի վրա է  
գտնվում, նվաճողների և նվաճվողների լեզուների խառնուրդով  
ստեղծվում է մի նոր, ընդհանուր լեզու այդ երկու միավորների  
համար. այդպիսի լեզուներ են «Բիչ-լա-մար»-ը՝ Սադադ օվկիա-  
նոսում, «Պիջին-ինգլիշը»՝ Հեռավոր Արևելքում և այլն, որոնք  
ստեղծվել են անգլերենի և գաղութացված երկրների լեզուների  
հատկանշական խառնուրդով: Այդ խառնուրդ լեզուների հատկա-  
նշական կողմն է պարզությունը. դրանց բառապաշարը սովորա-  
բար անգլերեն լեզվինն է, քերականությունը՝ տեղական լեզու-  
ներիինը:

Լեզուն սոցիալիստական հասարակության մեջ. — Պրոլետա-  
րական ռևոլուցիան և դրա հետևանքով՝ պրոլետարական դիկ-  
տատուրայի ստեղծումը նոր հունի մեջ դրեց ինչպես ժողովուրդ-  
ների տնտեսական-քաղաքական կյանքը, այնպես էլ բոլոր վեր-  
նաշենքային երևույթները, այդ թվում և լեզուն: Սովետական  
կարգերի գոյության այս երեսուն տարիների ընթացքում լեզվի  
զարգացման պրոցեսը կարելի է բաժանել երկու շրջանի: Առա-  
ջինն ընդգրկում է այն շրջանը, երբ մեր երկրում դեռևս գո-  
յություն ունեին շահագործող դասակարգերը. այդ շրջանում,  
բնականաբար, մեր խոսակցական ազգային լեզուները դեռևս  
ըստ բովանդակության դասակարգայնորեն երկատված էին:  
Երկրորդ շրջանն այն է, երբ շահագործող դասակարգերը մեր  
երկրում վերացել են, այլևս գոյություն չունեն: Բնականաբար

այս շրջանում մեր ազգային լեզուներն էլ ըստ բովանդակութեան երկատված չեն. նրանք բոլորն էլ սոցիալիստական բովանդակութեան ունեն:

Այլ պատկեր են ներկայացնում ազգային գրական լեզուները: Պրոլետարիատի դիկտատուրայի ստեղծման հետ անողոր պայքար է մղվում շահագործող դասակարգերի դեմ՝ հանուն դրանց վերացման: Այդ պայքարը բացառում էր հակասովետական պրոպագանդայի հնարավորութեանները: Սրա արդյունքն այն էր, որ ազգային գրական լեզուները դարձան միայն և միայն պրոլետարիատի և աշխատավոր գյուղացիութեան սեփականութեանը՝ հենց ՆԷՊ-ի շրջանում: Գրական լեզուները դարձան ազգային ըստ ձևի, և պրոլետարական՝ ըստ բովանդակութեան: Սոցիալիզմին անցնելով, նրանք՝ պահպանելով իրենց ազգային ձևերը, բովանդակութեամբ սոցիալիստական դարձան:

Սոցիալիստական հասարակութեան մեջ լեզուների դարգացման բնորոշ դժերից մեկն է այն, որ զանազան ազգային լեզուների մեջ այլևս հակամարտութեաններ չկան: Նրանք մեր երկրում ստացել են զարգացման ամենամեծ հնարավորութեաններ: Ավելին. մինչև Հոկտեմբերյան Ռևոլյուցիան բազմաթիվ ձնշված ազգային փոքրամասնութեանների այբուբեն շունեցող լեզուները ստացան այբուբեն ու դարձան գրական լեզուներ: Միայն սոցիալիստական հասարակութեանն է, որ զարգացման լիակատար հնարավորութեաններ ու իրավական հավասարութեան է տալիս մեր երկրի բազմաթիվ լեզուներին:

Այլ ընթացք են ստացել նաև բարբառները. ազգային լեզուները մեզ մոտ աստիճանաբար ավելի ու ավելի ընդհանրանում են, դառնալով համազգային լեզու: Գրան դուզընթաց բարբառներն աստիճանաբար մահանում են՝ տեղի տալով համազգային դարձող գրական լեզվին: Վերջապես, դրան հակառակ վիճակ են ապրում մասնագիտական լեզուները, գիտութեան և տեխնիկայի աննախընթաց զարգացումը ավելի ու ավելի հարստացնում, ճոխացնում է մասնագիտական լեզուների բառապաշարը. սակայն այդ մասնագիտական լեզուները նույնպես մեր երկրում ունեն սոցիալիստական բովանդակութեան:

Սոցիալիստական հասարակութեան զարգացումն ընթանում է դեպի ապագայի համաշխարհային միասնական կոմունիստա-

կան հասարակարգը, դեպի ազգերի ու ժողովուրդների ձուլումը մի միասնական հասարակության մեջ: Այդ ուղին են անցնելու նաև ժամանակակից բազմաթիվ լեզուները: Ազգային լեզուների խաչավորումներով ու խառնումներով պետք է ստեղծվի ապագա միասնական հասարակության համամարդկային մի լեզու, ռոբո, իհարկե, չի լինի ոչ վելիկոուսական, ոչ գերմանական, այլ մի ինչ-որ նոր բան<sup>1</sup>:

Ահա համառոտ նկարագրությունը պատմական այն ուղու, որ անցել և անցնում են աշխարհիս բազմաթիվ ու բազմազան լեզուները: Այդ նկարագրությունն առաջին հերթին ցույց է տալիս, որ նախնական հասարակության բազմաթիվ ու բազմազան լեզուների զարգացումը դեպի ցեղային ու ազգային լեզուները, ապա և՛ դեպի ապագայի համամարդկային լեզուն, ճշտորեն համապատասխանում է մարդկային հասարակության զարգացման ընթացքին՝ նախնադարյան հորդաններից դեպի ցեղերը, ժողովուրդները, ազգերը և ապագայի միասնական հասարակությունը:

Ապա՝ այդ նկարագրությունը ցույց է տալիս, որ զարգացման այդ ուղին հատուկ է բոլոր լեզուներին, ուստի և լեզվաստեղծական (գլոտոգոնիական) ու լեզվի զարգացման օրինաչափություններն ընդհանուր են, միասնական: Այս իր հերթին նշանակում է, որ ամենատարբեր կառուցվածք, ձևաբանական ամենատարբեր համակարգ ունեցող լեզուներն անցնում են միևնույն ուղին:

Լեզուն, բոլոր մյուս վերնաշենքային երևույթների հետ, իր զարգացմամբ պայմանավորված է մարդկանց նյութական կյանքով, հասարակության կեցությամբ: Հասարակական կեցության կրած փոփոխություններին զուգընթաց լեզուն էլ հնթարկվում է փոփոխությունների, մի որակական վիճակից մի այլ որակական վիճակի անցնելով: Այդ անցումները կատարվում են թռիչքային ձևով: Այդ որակական անցումների, թռիչքների միջև ընկած լեզվական յուրաքանչյուր փուլը Մաուր կոչում է ստադիա: Լեզուների զարգացման ստադիալականությունը լեզվաստեղծական պրոցեսի և լեզվի զարգացման օրինաչափությունների

<sup>1</sup> Ի. Վ. Ստալին, Լենինի գծի հարցերը, Երևան, 1937 թ., էջ՝ 638:

միասնութեան ամենացայտուն արտահայտութեաններէց մեկն է: Այդ չի նշանակում, իհարկե, թե լեզվի զարգացման ստադիալականութեանը պետք է անպայմանորեն արտահայտվի նրա ձևաբանական կառուցվածքի անցումներով, ոչ. ստադիալականութեան այդպիսի ըմբռնումը կլինի միանգամայն գաեհիկ և հակադիտական: Միևնույն ձևաբանական կառուցվածքը պահպանելով լեզուն կարող է մի ստադիայից մյուսին՝ ավելի բարձրին անցնել, այդպես են սոցիալիստական դարաշրջանի հայերենը, ռուսերենը, վրացերենը և այլն, որոնք պահպանելով նախառևտուրը ձևաբանական կառուցվածքը, անցել են մի նոր, ավելի բարձր ստադիայի:



**ՏԵԽ. ԽՄԲԱԳԻՐ՝ Մ. ԿԱՓԼԱՆՅԱՆ  
ՍՐԲԱԳՐԻԶ՝ Ա. ԱՐԶԱՔԱՆՅԱՆ**

Հանձնված է արտադրության 19/XII 1947 թ., ստորագրված է տպագրության  
5/1 1948 թ., ՎՃ 01907, պատվ. 896, հրատ. 490, տիրած 2500,  
տպագրական  $3\frac{3}{4}$  մամուլ, 1 մամուլում 36480 տպ. Ն/12:

---

Հայկական ՍՍՌ ԳԱ տպարան, Երևան, Արտվյան 104

ԳԱԱ Հիմնարար Գիտ. Գրադ.



FL0013502

4176 8-11 304.

A	11
	12662

12662